


КӨСЕМӘЛІ СӘТТІБАЙҰЛЫ



ЖАРАЛЫ

ЖАПЫРАКТАР

ЖАРАЛЫ ЖАПЫРАҚТАР

(повесть)

Кішкентай балалар да үлкен тұс көреді.

Марк Твен.

I.

Нұртуған нағашым күншуақта отыр. Шалбарының балағын тізесіне дейін түріп алған. Қолы шүберектен босаса болды, кәрі сиырдың қаңқасында арса-арса сүйектерін «қақтайдын» күнес іздеп жүргені. Дәл қазір оған мына көлік жуатын кәсіпорынның күнгей беті Қаратеңіздің жағажайынан артық.

- Сөйтіп, Құранды басып нанды алуға болады дедің ә, жиен?

Шор-шор бол қатып қалған буындарын күнге өптірген нағашым екі көзін бір нұктеге қадап алыпты. Сопайған басы, шоқшиған сақалы Мигель де Сервантестің айдаладағы аңғал-санғал диірменге атой салатын әпенділеу кейіпкерінің кескін-келбетін елестетеді. Бірақ нағашымның шабуылы Серван-тес серісінің соғыс тәсілінен мұлде бөлек. Найзасы - қара сөз болғанда, қалқаны - ой. Тоқсан ауыз сөздің тобықтай түйіні, Нұртуған нағашым осы отырысында испандықтардың ұлттық мақтанышына айналаған Дон Кихотынан бір мысқал да немесе.

- Жұрт қой сөйдеп жүрген.

Жалтаруға тұра келді. Әйтпесе «жұрт» деп, жауырды жаба тоқып отырғаным - бастығым. «Аузы қисық болса да, байдың баласы сөйлесін». Бұл мекемеде «біріншіге» ешкім қарсы келмеуі керек: ойымызды да, бойымызды да соған қарап түзейміз. «Жұрттың» кім екенін Нұртуған қу да біледі.

- Сонда сенің «жұрттың» мәселенің мәнісі Алланың сөзінде емес, ас та төк аста дейді ғой ә, жиен?

Астапыралла! Бұл ой «қауашағыма» қалай кірмеген? Енді жандалбасалап ақталып көру керек.

- Ілкіден келе жатқан сөз емес пе? «Құранды басып нанды алуға болады, ал нанды басып Құранды алуға болмайды» деп отырушы еді ғой... молдалар.

Тым-тырыс бөлмедегі шыбынның ызыны сияқты Нұртуған нағашымның ғақлиясы тынышымды бұзып, үдей түсті.

- Далbastapты. Бұл – шарифтты белден басқан дүмше молдалардың өздерін ақтау үшін айтқаны. Нан қандай ақ

болса, Құран да сондай хақ. Бірінен бірін тәмендетуге әсте болмайды!

Ал керек болса! Көлік жуушы нағашымның пәлсәпасын қараңыз. Мен оны аяқ-қолынан су өтті-ау деп аяп жүрсем.

Өзіме де обал жоқ. Мал базарда жуан балтыр, майным ашып осында ертіп келгем. Арғы жағын Жортармен өзі партиялардың үр да жық ұраншылдары сияқты нағашымның да Жортар екеумізben ә дегеннен-ақ жұлдызы жараспай қойды.

Бірақ менің жазығым не? Нағашым жақтырмады еken деп «бизнес-жоспарым» дайын. Мысалы, қожайынның менімен бірге оқитын Сана деген қызы бар. Өзі де атына заты сай, ақылды, көркем. Мектепті бітірген соң сол сұлумен отау құрудың сәті түссе бітті, қожайынның жар дегенде жалғыз күйеу баласы болам да көлік жуу кәсіпорынымен қоса қаланың қак ортасындағы мейрамханасына да ие болып шыға келемін...

Тәтті қиялымды тағы да Нұртуғанның гүжілі бөлді.

- Шыныңды айтшы, Құранды басып жеген нан мынау теректей бойына шынымен-ақ жұқ бола ма?

Тұh, мынаған дауа жоқ шығар. Қадалған жерінен қан алмай қоймайтын қандай бәлеге қалдым?

- Оны Жортардан сұра.

- Атаукересі үшін Алланың сезін аяқасты етуге болады деген одан не үміт, не қайыр?

Нұртуғанның гүжілінде Өзірет Өлінің алдаспанындағы бір ала-пат сес бар. Сонда бұның жанына не керек? Не жетпейді?

Өзім де тұзы жеңіл байғұспын. Басқа мақал-мәтел құрып қалғандай Құранға соқтығысып нем бар еді? Айдың-күннің аманында тақыр жерден сүрінгенімді қарашы. Бәрі тұскі сорпана сораптап отырған кезде басталды. Жортардың арқасында аузымның аққа жарығанын айтЫП, бір мақтайыншы дей салған сез еді, ғазиз басымның мұндай бәлеге қалатынын қайдан білейін.

Нағашымды да аямын. Бесіктен белі шықпай жатып жүгері суғарыпты. Одан кейін құрылысшыларға қосылып белуардан келетін батпаққа малшынған. Таңғы сұықта бетіне мұз байланып жататын батпақ зіңгіттей жігітті допша домалатады дейді рас. Сол азаптың бәрі жиналышп кеп нағашымды аяқтан алған. болса. Сол азаптың бәрі жиналышп кеп нағашымды аяқтан алған. Қазір судың сылдырынан қорқады. Менің істеген жақсылығым болса, Нәкеңе «мұздай суға жолама, мәшиненің ішін ғана тазала»

деп тапсырма бердім. Бірақ «сыз табанымнан өтіп, тас төбемнен бір-ақ шықты» деп, зар илеуін сонда да қоймайды.

Бүгін жұмыстағы сонғы күнім деп сазарып отыр. «Нағашыеке-ау, ақшасытәуірғой, негекетіп бараңыз» дегеніме, «кәмүнистердің жүгерісінен құтылдым ба дегенде, кәпитәлистердің көлігін жуға әкеп қойдың» деп, әңгімені шорт кесті. Кеше де тулаған. Бұрнағы күні де кіжінген. Бірақ қоржын-қосқолаңын жиып кетіп қалмайды. Соған қарағанда баар жері, басар тауы жоқ. Қысқасы, «іш қазандай қайнайды, күресерге дәрмен жоқтың» кері.

Бұл өзі қай жерде болып жатқан оқиға деп таңғалып отырған шығарсыздар. «Адамнан жасырғанды, Құдайдан жасыра алмайсың». Айтайын. Жортардың жуан мөріне «Республикалық психоневрологиялық диспансер» деп жазылғанына қарамастан, жүрт үлкен жерді... жындыхана дейді. Жә, шошыманыздар. Жүртіңіз, мысалы, халық қой. Ал халықтан үлкен ешкім жоқ. «Құдайдың екінші аты – халық» деген де халық емес пе? Енде-ше, «халық айтса, қалт айтпайдыға» да қол қоя салыңыз. Міне, сол халықтан Жортар тұрмак, медицинаның атасы Әбу Сина да әулие емес. Жындыхананың аты жындыхана. Сондықтан «психоневрологиялық» деп қанша жерден сыпайлағаныңызben ел-жүрттan аса алмайсыз-дүр.

Әлбетте, шұу дегенде тосырқағаным рас. Жүйкесі жұқарып, жаны қүйзелген бейшаралардың уәжін құлағына ілмей, шыңғыртып дәрі егіп жатқан медбикелердің қаталдығы да қобалжытқан. Оларға қарағанда «есуас» деген диагнозben әкеліп тастаған міскіндердің бойынан адамға тән бірденелер байқалып қалады. Әңгіменің майын тамызғанда «апырау, ит байласа тұрғысыз мына жерге Демосфендей ділмарларды кім қамап отыр?» деп, жағаңды ұстайсың.

Мәшине жуатын жерге қалт-құлт етіп әуелі Домбыра келді. Жағы сембей дыңғырлай берген соң байғұсты осылай деп кетіпти. Насыбай атады еken, ернінің астына көкбүйра түйіршіктерді тастап кеп жіберіп, «Мен – Дом-бы-ламын» деп ай-шай жоқ, қолын ұсынды. Мен оның қолын қорқа-қорқа ұстап, атымды айттым. «Та-а-сың өл-ге до-ма-ла-ғалы тұл, ба-а-ла. Білақ...» деді ол. Отқа салса жанбайтын, суға салса батпайтын тісқақсан саясатшы емеспін ғой, мінез-құлқынды былш еткізіп бетіңе айтқан қыын болады еken. Табан астында не дерімді білмей, тамағым құрғады. Бірақ жындымен жынды болам ба, шыдадым. Менің күмілжіп қалғанымды пайдаланған ол маған дейін де талайдың миын атала қылған сұрағын қойды. Айтпақшы, сұрағын қоймас бұрын ернінің астындағы насыбайды анандай жерге ытқыта түкіріп тастады. Сол сол-ақ еken, тілін «шайнай» сөйлейтін сақаулығы сап тыылды.

- Ежелгі грек ақыздарын білесің бе?

- Етеп...

Грек ақыздарын жырлаған Гесиод, Гомер бастаған абыз-Уәссәлам Пайғамбардың дүниеге келіп, жамағатқа Құдай біреу, луы керек, ежелгі Ұрымның аспанын да, жерін де, сүйн да құдайларға толтырып жіберіпті.

Менің сез таластырудан қашқақтап тұрғанымды сезген ол енді нағашымға қарады.

- Әй, жұз грамың бар ма, құйшы?

- Лә иллаһа илаллаһ Мұхаммед Расұллаһ, мен мұсылмандық жолға түскенмін.

- Бірақ көпір бол кетпеген шығарсың.

Тілі тотияйындағы екен бәленің. «Бірақ бақыр санаған сараң бол кетпеген шығарсың» дегенді нағашымға астарлы сезбен әдемі жеткізді. Оның тапқырлығына Нұртуған да амал жоқ езу тартты.

- Әй, қатырасың-ау. Әрине, көпір емеспін.

- Әкел онда...

Нұртуған ұсынған мыж-мыж 100 теңгені қуана ұстаған ол мұрнының астынан раҳмет айттып, жөніне кетті.

Мен аң-таңмын. «Тасың өрге домалағалы тұр, бала. Бірақпен...» не айтпақ болды? Ойға тамызық қып кеткен ежелгі грек аңызында Сизиф деген де жазған бар. Сол пақыр дәу тасты домалатып таудың басына шығарып, енді «ұh» дей бергенде, ақ тер, көк тер болған еңбегі еш болып, тас таудың етегінен бір-ақ шығады. Содан Сизиф байғұс әлгі тасты өле-өлгенше таудың басына қарай домалатумен өткен. Өйткені мандаіына жазылған жазымыштың жазасы осы. Қандай азап десенші. Соның кебін сен де киесің дегені ме?! Бірақ бұл құллі адамзат баласы үшін анасының құрсағында жатқанда-ақ кесіліп қойған үкім емес пе?!

Ұh, ернім аққа енді тиді ма дегенде не деп көкіп кетті мына нақұрыс!?

* * *

Нұртуған нағашымның сопақ басындағы мың қатпарлы мида қу сирақты қунге қыздырмақтан басқа да қым-қуыт ойдың өріп жүргені сөзсіз. Көстендереп қалған тіл көп күттірген жоқ.

- Домбыра айтады: Баяғыда әкесінің қанын мойнына жүктеп, елінің тізгініне ие болған Крон деген патша болыпты. Сол патша күндердің күнінде астымдағы алтын тақтан айырылып қаламын-ау деп зәресі қалмайтын дерте шалдығады. Қараптан-қарап үрейленгені сонша Рея деген сұлуынан туған балаларын алдырып, тірідей жұта беріпті. Жалмауыз патшаның құлқынынан соңғы сәбін қалай да аман алып қалғысы келген

ана көз көрмес, құлақ естімес жердегі Крит аралына барып болсаңды да шарананы үңгірге қалдырып кетеді. Сарайға қайтып келген кезде бұған дейін бес баласын жұтып, құныққан патша «жаңа босанған шаранаң қайда?» деп күндей күркірейді. Сол кезде Рея патшаның аранына құндақтаулы тасты тыға салады.

Дүниеге келмей жатып қындыққа тап болған ұлдың аты Зевс екен. Ол ер жетіп, ашкөз әкесінің асқазанында тұншыққан бау-бауырларын бостандыққа шығарады. Бастьары қосылған бауырлар Кронға қарсы соғыс ашады. Ұза-а-ақ жылға созылған соғыста Зевс жеңіске жетеді. Сөйтіп жемқорлық пен парақорлық, тоғышарлық пен алыпсатарлық, бұзақылық пен үрлық-қарлық, жағымпаздық пен сатқындық үстемдік құрған жүйе талқандалып, еркіндік іздеген ел-жүртқа әділетті билік орнатады...

- Мұны айттып жүрген жаңағы... («жынды ма?» дей жаздал барып тілімді тістеп қалдым) Домбыра ма?

- Домбыра десе дегендей... дыңғырлап бір сайраса, тоқтата алмайсың.

Басым мең-зең. Ау, Домбыра айттып жүрген аңыз қайда, біздің жындыхана... кешіріңіз, психоневрологиялық диспансер қайда?

- Сонда ол мұнымен не айтпақшы?

- Әділдік жоқ дейді. Заңды бастықтың өзі бұзады дейді. Олимп биігіндегі құдайлар мен жердегі қалың бұқараның жилысын шақырып, заң бұзғандарды жазалайтын Зевс пен Фемиданың заманын армандайды.

Төле би атындағы мектептің 8 сыныбын үздік бітірген менің-дағы біраз білімім бар. «Зевстің салтанатты сарайының алдында екі үлкен ыдыс тұрады екен, - дейтін бізге «шайтан арбамен» келіп дәріс оқитын қаңбақ шал сияқты қағылез мұғаліміміз, – оның біріне ізгілікті, екіншісіне қатыгездікті толтырып қояды екен. Заңды бұзған билік иесінің үстіне әлгі ыдыстың жиегіне дейін меймілдеген қатыгездікті құйып кеп жібереді екен де, ал жақсы басшыға... ». Қаңбақ шалдың дәрісі ойыма сап ете түскені бар болсын, өзімнен-өзім селк ете қалдым.

- Сендер немене сонда диспансерде заң бұзылып жатыр деп көкіп жүрсіндер ме?!

Көрінген адамнан арақ сұрап жүрген міскіннің шашбауын көтеріп отырған нағашымға ежірейе қарадым. - Бас дәрігер бұл былшылдарыңды естісе жон терілерінді сыпырадығой.

Нұртуған нағашым қыңырая қалды. Көзінде «сенің де сырың мәлім болды. Крон сияқты тақұмдар бәлелер сендейлерден шығады. Бесіктен белдерің шықпай жатып ақшаның құлына айналасындар, содан кейін қожайынның он екіде бір гүлі ашылмаған қызына үйленсем деп армандайсындар, ары қарай Олимптің шыңы да алыс емес деп ойлайсындар» деп тұр.

Шынымды айтсам, соңы кезде бес биенің сабасындағы бол жайылып бара жатқан рабайсыз денем өзіме де ұнамай жүр. Ішімді үрген мес десе де болғандай. «Ет етке, сорпа бетке» деп, ішіп-жей берген соң бет-жұз де ұят-аятты ұмытып, қалындағы қалың қабақтың астынан сығырайып әрең көрінеді. Танау шірікін де таңқия түсті. Аспандап ұшқан алты қаз болса «Хазар* теңізі қайдасың?» деп өні-міні ұшқалы тұр.

Кесібіміз – күндіз-тұні мәшине жуу. Диспансердің қасынан ашқан көлік жуу кесіпорынының екі тізгін, бір шылбырын Жоржалданған өзім сяқты балалардың аяқ-қолдары жаурап, кешке ырма теңгеге зәру болып жүретін жалаң аяқ оқушының қалтасы қазір шытырлаған ақша.

Диспансердің іргесінде құмымырсқаның илеуіндей қайнаған базар бар. Тұске таман сәбілердің көнетоз қол арбасына салып тамақ таситын қыздар келеді. «Кока-Коласы» мен «Йогурттарын» да ұмытпайды. Тамағы тоқтық, көйлегі көктік, Абай атам айтқандай, адамды қараптан қарап аздырады еken.

Жортардың пәлсәпасына жүгінsec - «ақша жеткен жерге аяқта жетеді». Менің бұл ұранымды, әрине, Нұртуған нағашым естімей-ақ қойсын. Естісе «ол қандай ақша?», «ол қандай аяқ?», «ол аяқтар қандай бастарды көтеріп жүр?», «ол бастарда қандай қиялдар бар?», «ол аяқ пен бас ел-жүртты қайда апармақшы?» деп сансыз сұрақтың астына алары сөзсіз. Оны да місе тұттай «анау депутат, әкім болам дегендерді аласұртып жүрген ақша. Ал ақшага бір құныққан адам оны көбейген үстіне көбейе берсе еken деп құтырады. Сондықтан сайлау сайын екі иығын жұлып жеп, аласұртып жүргендердің көкейіндегі халықтың қамы емес, ақшаның қамы. Жақында екінші рет сайлауға түсем деп жүрген Жортардың арманы да көп, өте кө-өп ақша!» деп, екі езуі көпіргенше екіленетіні сөзсіз. Жо-жоқ, менің бұл ойым Нәкеңнің құлағына шалынбай-ақ қойсын.

«Сынықтан басқаның бәрі жұғады». Ақша демекші, қалтама тыын-тебен түскелі қиялым қыыр-қыырды шарлайтын болды. Шаруаның бәрін орынбасарының иығына артып, өзі сауық сайранда жүретін бастығыма еліктейтін болдым. Өсіреле, күн сайын тамақ әкеліп сататын өнебір әдемі қызды көрсем сілекейім шұбырып қоя береді.

Хазар* – Каспий теңіzi.

Махабbat қызғаныштан тұрады дейді ғой билетіндер. Ақ орамал тартып, жалаңаш жерін қымтап, мәлдіреп жүретін сұлу мен Нұртуған нағашымның арасында бірдене бар ма деп те қауіптенемін. Тамақ әкелген сайын көлік жуатын кәсіпорынға қарай жалтақтай беретіні де тегін емес.

Откенде нағашымның жұмыс киімінің қалтасынан түсіп қалған қағазды тауып алдым. Мыж-мыж қағаздың бүктеуін жазып жіберсем, о, тоба, өлеңдер. Бас жағына:

«Нұртуған аға! Сіздің өлеңдеріңізді газеттен оқып журмін. Бірақ осы арада істейді деп ойламаппын. Аға, өзіммен өзім жалғыз қалған кезде жазған мына өлеңімді оқып көріңіші. Айқыз.» -

деп жазыпты. Домбыра ма, Нұртуған ба, біреу-міреуі қылқып келіп қалмай тұрғанда оқып үлгерейін деп жалма-жан қағазға үнілдім.

ТҮКПІРІНДЕ ЖҮРЕКТІҢ

Алдамышы бос үмітке,

Жүрмін бе жіпсіз байланып.

Бақыттан басым айнала,

Ақ жүрегіммен иланып.

Өтер де кетер балғын шақ,

Көзіңді ашып-жұмғанша.

Өкінішпен өртер өзекті,

Мағынасыз өткен күн қанша?

Жалғыздық байлап жанымды,

Билігін қолдан алғызбай.

Егізін тауып жүрегім,

Егелік жасар күн қайда?

Өлең жазған сұлуулардың барлығы Фариза, Құләш апаларым сияқты мықты ақындар емес қой. Мына үйқастарды төрт аяғы тен жорға демесем де, әйел баласына тән бір нәзік сезімді әр жер-әр жерінен теріп алуға болатын сияқты. Өсіреле соңы екі жолы. «Егізін тауып жүрегім, егелік жасар күн қайда?» деп кімді айтты еken? Жебедей кірпігін кімге қадады еken? Өлде нағашымда ойы бар ма? Мен оның орнында болсам мынандай қолайлы сәтті қапы жібермес едім. Өттең, оқушымын.

Нұртуған нағашым қағаз ізделп өуре болмай, өлеңнің астына былай деп сүйкепті.

АРМАНЫМ АЙҚЫЗ - АЙКЕЗБЕ

Айкезбе - Айқыз арманға,
Жүрмін бе жіпсіз байланып.
Сия алмай мынау жалғанға,
Сағымға кеттім айналып.

Жалғыздық жайлап жанымды,
Қиял жүр кезіп Тұн, Айда.
Сүмбіле-сүйк қанымды,
Жылтытар ыстық үн қайда?

Сыңарын іздел жүргегім,
Ботадай босқа боздай ма.
Еркелей еріп жүргенің,
Сезімді сөнген қозғай ма?

Оу, де! Қалай-қалай қайырады-ей, сабазың! Мынауың нағыз ақын ғой өзі. Бірақ мен үшін мәселе өлеңде емес. Мәселе - көлік жуушы Нұртуған нағашым мен тамақ сатушы сұлудың арасындағы нәзік сезімде, тәтті махаббатта. «Қымызды кім ішпейді, қызды кім айттырмайды». Осы ару келген сайын жасы жер ортасына келіп қалғанына қарамастан Жортар да кеңесесінің терезесінен сұқтана қарап, сілекейін жұтып тұрғаны.

* * *

Құдайшылығына көшсек, нағашымның мен пақырды жек көретін жөні жоқ. Антүрғандардың ауылынан іргемді өзім де алыстау үстaugа тырысамын. Қиналған кісіге қолымнан келгенше жақсылық жасағым келіп тұратын елгезектігім де бар. Мұны жалған дегендер бетіме айтсын. Бірақ, жақсылық жасаймын деп бұлдіріп алатынымды жасырмаймын.

Нағашым «аяғым» деп зарлай берген соң базардағы ала тақиялы ағайыннан бір түйдек қызыл бұрышты аттай қалап, әкеліп бердім.

- Мұны қайтем? - деп ежірейді Нәкен.
- Бәтіңкенің ұлтанына салып алсаң, аяғың қыз-қыз қайнап жүреді.

- Оны қай көкең айтты?

- Кітап деген көкем бар. Сол айтты.

Мұным өтірік. Бірақ жақсылық жасау үшін кейде өтіріктің де пайдасы бар.

Өткенде базарға барсам адыраспан тұтіндепткен бір топ әйел бейбіт шеруге шыққандай қаптап келеді екен. Басынан бақайшығына дейін батамен қаруланған бәлелер алақандарына бес-он теңге тастамасаң, жолынды кес-кестеп

жүргізбейді. Өздері аяқтарына гәлөш іліп алған. Таң қалдым. Бұның қандай құпиясы бар? Менің Нұртуған нағашым ұлтаны екі елі етік кисе де аяғым қақсады деп зар илеуін қоймайды, ал мыналар болса резінке гәлөшпен қақшаңдал жүр. Саудасаттық жасағандардан сұрасам, «гәлөштерінің табанына келімдәрі салып алған» дейді. Құлкім келді. Қызыл бұрышты «келімдәрі» дейді екен. Ең бастысы, Нәкенің «ыстық уколға» бағынбайтын аяғының емі табылғанға көктен сұрағаным, жерден табылғандай қуандым.

Бірақ нағашым «келімдәріні» бір күннен кейін-ақ лақтырып тастады. Таңертең жұмысқа келсем қоқыс тастайтын жәшіктің айналасы толған қып-қызыл жапырақ. Көлік жуушы балалар жымың-жымың етеді. Нұртуған нағашым болса арыстандай айбатты.

- Алдымен өзіңе тәжірибе жасап көрмедин бе, жүгермек?

- Не бол қалды?

- Өй, саған сеніп жүрген өзіме де обал жоқ.

Сөйтсем, арғы ата-бабасы туралы «Шымырбай құмға түсті, шыдай алмай суға түсті» деген сөз тараған үшін-қонба өулеттің үрпағы емес пе, шыт-шыт жарылған аяғын қызыл бұрыш үдай ашытып, қүйдіре бастағанда «ойбай, жау шаптыға» басқан ғой. Аңы жапырақты ұлтанға емес шұлықтың ішіне салып алса, әрине, үдай ашытады. Жапырақты алып тастаймын деп жанталасқан сәтте қолы дуылдайды. Сумандаған қол бет-ауызға жеткен тұста дүниені тітіреткен түшкіріктер дауылы басталады. Қысқасы, мен келгенде нағашымның жұмыс орны қызыл бұрыштың жапырағы жауғандай астаң-кестен екен.

Содан бері көкем мен айтқан ем-домға да, әкелген дәрі-дәрмекке де секемдене қарайтын болған.

* * *

Ақырет сотының алдына барғанда араша болатын тағы қандай жақсы қасиеттерім бар? Үістыбай атам, Тінәлі, Азат үшеуі еш жамандықта қимайтынын білем. Бірақ оларды куәдүрлікке тарту үшін жындыханадан отбасыма оралуым керек. Ал қара шаңырақтағы бірінші тұлға мен үшін, әлбетте, әкем.

Киіз үйдің сыртынан Үістыбай атамның қара айғырының пысқырған үні естілді дегенше әкем иегін қағып, есікті нұсқайды. Ауыздығын шайнап, қора жаққа өтіп бара жатқан атты санаммен сезініп, далаға атып шығамын. Жуан ортасына жеткен кітапты да тарс жабуға тұра келеді. Бірақ жазушының айтпақ болған гибраты жадымда. А나мен де, мынамен де досспыз дей беретін жалпақшешей саясатшыға сабақ болғандай тәлімді дүние болған соң ба, миымда өлең жолдарында жатталып қалыпты.

«Балам, - дейді, - Есбол қария, - сен осы бізге хат жазған сайын Бедір деген досым бар деп жарияға жар салып жатушы едің ғой. Әлі доссындар ма?

- Доспым...

- Осы кейде тыптыныш отырған үйге үлкетей арқырап келетін сол ма?

- Сол!

- Е, дегендей, дегендей, - деп қария басын изеп, тағы бір кез ойлы кескінге ауысып салбырап шөгіп қалады.

- Баяғы бала кезімде әкем марқұм «атты сыртына, адамды ішіне қарап білем», - деп отыруши еді. Кісі сырын үғу қыын ғой, Түріне қарап дос таңдау да қыын. О да бейне мінезін білмейтін тақымыңды қысып алғандай сенімсіз күйде болатын шығарасын. Тілекпен дос болмайды, тең кіслерге достық өзі келеді. Он бол көргем жоқ, тең адам кездеспегендіктен емес. Оның бір пәлесі – дос кіслердің арасында да бірдейлік бола бермейді. Олардың да өз арасынан артық-кемі шығып, кемі кіші орнында жүреді. Қыны осында...» деген кеменгер қарияның сөзі Жортар екеуміздің достығымызды мензегендей.

Бірақ Әбдіжәмілдейін атақты жазушының кеменгер кейіпкері қалың кітаптың ішінде қала береді. Ал сыртта осы дананың XXI ғасырдағы «ксерокөшірмесіндегі» болып ыстыбай атам келіп тұр.

Касы қалың, мұрны қонқақтау, сопақша жүзіне ақ шаңқан сақалы әбден жарасқан еңгезердей шал белі есік пен төрдей айғырынан түсіп, тізгінін ердің басына ілді де, қыл шылбырдың ұшын қарсы алдында намаздыгер-намазшамның көлеңкесіндегі ербиіп тұрған маған ұсынды.

- Ассалаумағалейкүм, ата!

Компьютердің клавиштерін басудан басқа ауыр жұмыс істеп көрмеген нәзік саусақтарым атамның күректей алақанына сұнгіп кетті.

- Ұағалейкүмәссалам, балам. Таудай бол!

Атамның кепкен балықтың қабығындағы қабыршықтанған қолы мен қара айғырды байлайтын қыл шылбырдың арасында айырма шамалы.

- Қалай, - деген сосын атам сәл езу тартып, - алғыстан тау тұрғызып жүрсің бе өлі? Өкен пияз егуді білмесе де, бала тәрбиесін біледі...

Алқаптан көнілді оралған күні әкемнің ширатылған ұбак-шұбак дауыспен «бүгін қай-сы-лар-ың көп алғыс жинадындар, әй» деп сұрайтын әдеті бар. Шаршап-шалдығып немесе әлдекімдерге шала бүлініп, ұрсып келсе «байтал түгіл, бас қайғы» дей ме, дастарқандағы ас-сұына үн-тұнсіз бас қояды. Дегенмен, «сәлем беріп, алғыс жинау» біздің шаңырақтың жас мүшелері үшін - Президенттің тапсырмасындағы бұлжытпай орындалуға тиіс

мәселе. Басты бәсекелес, әлбетте, шаңырақтың шолжақайы - Тінәлі. Әке-шешеме ілесіп құдайы тамақтан құр қалмайтын болған соң алғысқа да, кәмпіт-сәмпітке де сол қарық. Сосын амал жоқ құлыққа басам. Төле би атындағы мектептің үздік тұздықтап отырсаң еш уақытта қор болмайсың. Мысалы, әкейдің алдында жерге қарап қалмау үшін бір шаңырымдай тұстан беру кімнің үшін қарына келеді дейсің! Басқа басқа, бұл құлық біздің беру алып, сонынан қылп келген баланың бар шаруасы сәлем беру екенін білген кезде атам, әрине, абдырап қалады. Сосын көзіне құлқи үйіріліп:

- Айналайын, сен өзің ата-бабаларың сияқты сақы кісі болғалы жүр екенсің. Олар да ауылдың сыртымен кетіп бара жатқан көшті тоқтатып, құдайы қонақ қылп аттандыратын елден ерек адамдар болған деуші еді бұрынғылар. Құдай тілеуінді берсін! Ел үста! - дейді.

Дейді де «осы балаға алғысым аздық қылды-ау, ә» дегендей, сасқалақтап қалтасын қармана бастайды. Шибарқыт шапанның қалтасынан алдымен мыж-мыж беторамал, бүктеле-бүктеле шеттері қырқылған газет шығып, ақыр аяғында бір бума кілттің бауына ілініп кәмпіт көрінеді. Қай күнгі құдайы тамақтан қалған «олжа» болса керек.

- Мә, айналайын, мынаны ала ғой, саған бұйырған екен.

Еңбегіме берілген «сыяқыны» көріп Тінәлі одан бетер ыза болады. Бірақ бұл өлі аз. Ұпайымды көбейту үшін етігін шешүгеге ыңғайланған әкеме лып етіп көмектесе қоямын. Елгезектігіме сүйсінген әкем, әлбетте, «рахмет» дейді. Аяғының астында тұрған алғыстан қарадай айырылған інішегім болса «бұл дұрыс емес» деп жер тепкілейді.

Сегізінші сыныпты үздік бітіріп, жазғы демалысқа шыққалы бері Жортардың жырындысына айналғанымды ыстыбай атам қайдан білсін. Бесінші сыныптағы оқиғаны еске салып, «саяси имиджімді» кәдімгідей түсіріп таstadtы.

Жортар демекші, біраз болды бастығымның үйінде бір үртек сары пайда болды. Жортардың өзі «базарда қайыр сұрап жүрген жерінен жаным ашып, алып келдім» дейді. Бірақ жасырып-жапқанмен біздің кентте сез жата ма, «Жортар үйтіп жауырды жаба тоқымасын, алыс-жақынды адақтап жүрген қарындастының баласы. Қатыны екеуі байғұс баланы екі жақтап жұмсал, әбден зорықтырды» деген әңгіме шыққан.

Бірде көлік жуатын кәсіпорынның кілттін алуға Жортардың үйіне бардым. Жүргімнің бір түкпірінде, әрине, Сананы сыртынан болса да бір көріп қайту үміті лүпілдеп тұр.

Үрпек сары босағада Жортардың топылыйын шөткілеп отыр екен. Жортар шынтағына дәу жастықты бүктеп, жамбастап жатыр. Төрдегі қымбат жиһаздың үстінен сыныптастымың суреті жымия қарап тұр. Жалпы, Сананы ақылына көркі сай тамаша қыз дедім ғой. Жібектей мінезі ше! Менің суретке ойлана қарап қалғаным өлденені есіне түсірді ме Жортар:

- Сана хабарласты ма, - деді әйеліне.
- Бағана сөйлестім. Ол жақта қазір тұн дейді.

Сана шет елге кеткен болды. Ол жақта тұн дегеніне қарағанда тым алыс ел болды-ау. Екеуміз сабактан қайтып келе жатқанда «әкем, биыл шет елге барып оқисың деп жұр» деп мұнашы еді.

- Жат жұрттың аты жат жұрт қой, осы бастан ауа райы мен мәдениетіне бойын үйрете берсін, күздіңгүні оқуы басталғанда өзіне онайлау болады. Мені сұраса әкең осылай деп сәлем айттып жатыр дерсің.

«Қош, Сана! Күн мен ай сияқты екеуміздің тағдырымыз да ешқашан қосылуға жазбаған сияқты».

Қатира жеңгем сұқ саусағындағы алтын сақинасын жарық қоңыздай жалт-жұлт еткізіп, шәй жасады. Жортар екеумізге сүт қатқан күрең шайдан құйып берді де, үрпек сарыдан:

- Саған қандай ғып құйып берейін? - деп сұрады.
- Мұндай мұттәйім болар ма? Ет бауыры елжіреп отырғандай ыздыады.

Жәутендерген бала:

- Ақ су ғып құйып беріңіз, - деп құмілжіді.

Мен аң-таңмын. Өзім өз, көйлегім бөз болғалы, мұндай мәзірді бірінші рет естігендіктен «ақ су» деген асыл зат не екен деп мұқият қарай бастадым. Қатира самаурындағы қайнаған суды кесеге шорылдата құйды да оған ептең сүт қосып, үрпек сарыға қарай ысыра салды. Жортардың жиеніне беретін «firmalық» дәмі осы екен. Әйелінің қара шайдан үнем айырған адам шошырлық қылышын көрсе де көрмеген болып отыр. Үйстық күлшеге жәутендерп қарай берген үрпек сарыға «наннан ал» деп те айтқан жоқ. Жалғыз отырғандай өзі опырып жатыр.

Өлік шығарғандай тұнжырап қалған отбасында бұдан ары дәтім шыдап отыра алмай, кілтті алдым да далаға шықтым. Үрпек сары да артымнан ілесті. Сыртқа шыққан соң үйдің қабырғасына сүйеулі тұрған қапты арқасына салды. Жортардың буылтық-буылтық қарынына ұқсаған қап үрпек сары қозғалаған сайын сықыр-сықыр етеді.

- Атың кім?
- Азат.
- Қаптағы не?
- Бөтелке ғой.
- Оны қайда апарасың?

- Базарға.

- Ауыр емес пе?

- Үйрендік қой.

Азаттың басындағы аянышты жағдайға тап бір өзім кінәлідей қеудем ашып, жалт бұрыла беріп ем, бала иғыны жаншыған ауыр қапты сықыр еткізіп бір көтеріп қойды да:

- Аға, - деді.

- О, не қалқам?

- Сіз хат жаза аласыз ба?

- Әрине, оны неге сұрадың?

- Мамама хат жаздырып алайын деп ем.

- Өзің жаза алмайсың ба?

- Мен әлі оқуға барған жоқпын ғой.

- Жасың нешеде?

- Тоғызда...

Жүргім ине шаншып алғандай шым ете түсті. Жұлым-жұлым дерматиннің астынан жылтырып саусақтары көрініп тұр. Арзанқол аяқ киімнің тысы іріп кетіпті. Арқалығы мен өнірі онып, шіри бастаған жейдені де жөндемді деуге ауыз бармайды.

- Мен жұмыс істейтін жерді білесің бе?

- Тінәлі сізді көлік жуатын жердің бастығы деген.

- Қайдағы бастық, жазғы демалыстағы ермек қой әшейін...

- Сурет те саласыз ба?

- Суретті Нұртуған нағашыма салдырамыз.

- Рахмет аға, менде мамамның суреті бар. Бірақ жыртылып қалған. Соны қайта салдырып алсан деп ем...

Жандуниемде Жортарға деген бір «қызығылтым төңкеріс» бас көтере бастағандай.

Біздің шаңырақтағы екінші тұлға – шешем. Ақша өткізген сайын Жортар: «Шіркін, Жібек жеңешемнің бал татыған қымызы болса, арақ-шарап деген бәлені татып алмас едім» деп, қақсай берген соң бір литр қымызбен үнін өшірейін деп үйге келсем, анам орамалының ұшымен көзін сүртіп отыр. Жанарын жасқа шылаған тезектің тұтініне ұқсамайды. «Е, жаратқан ием, балаларымның көз жасын көрсете көрме» деп қояды күбірлеп.

- Не бол қалды, апа?

- Азат кеп кетті әлгінде...

- Ол неғып жұр?

- Бал ашып бересіз бе? -дейді.

Шешемнің көнілі бос. Көзінің жасы мөлт-мөлт етіп, жанарының жиегін шық кіреукеleй қалыпты.

- Тамағын жыламай ішпейтін біздің Тінәштің қасында құдды үлкен адам сияқты.

- Балды кімге аштырмақ екен?

- Анама ашып беріңізші. Мені қашан алып кетер екен? - дейді.

- Сіз не дедіңіз?

- Не деуші ем, «балам, сүйінші түсіп тұр, құдай қаласа, шешен жақында келіп қалады. Сені ойлап жүр ме, жүргегінің басы сөл күптілеу. Мынау – саған қарай түскен жол, ал мынау – алған базарлығы» дедім. Басқа не деймін?

Анамның орамалға түйіп, тығып қоятын қырық бір құмалағын анда-санда сандығынан шығарып, ел-жұрттың аман-есендігі үшін бал ашатын ермегі бар-тын. Бірақ мұсылмандық жолға түскен Нұртуған нағашымның Алла-Тағалаға серік қосуға болмайды, бал ашу, құмар ойнау - қасиетті Құранмен зиянға шығарылған деген тәпсірін айтып келгелі бері бұл ермегін қойып кеткен. Шешесінің осы құпиясын аузы жеңіл Тінәш үрпек сары досына айтып қойған сияқты.

Атам үйге шаригаттың жолымен «ассалаумағалейкүм» деп кірген кезде шешем орнынан ұшып тұрды. Сонын сол қолын он білегінің үстіне қойып, сөл иілді де, ернін жыбырлattы. Ерні жыбырлаған кездегі «сөлеметсіз бе, қайнаға» деген үнді жапондардың ең сезімтал деген сандық диктафоны да жазып үлгере алmas. Менің ұғымымда мұндай үн зерделі адамның санағына өзінен өзі жазылуға тиіс. Дағыған даламыз бері ғажайып тау-тасымызды армансыз арапап жүрген европалықтардың тамсанып, бас шұлғи беретіні де халқымыздың осы бір қайталанбас қасиетінде ғой деймін.

- Көп жаса келін, мал-жан аман ба?

- Шүкір.

Төрде жамbastap жатқан әкем белін ұстап, орнынан созалаңдай көтерілді.

- Терлетіңіз, ақсақал.

Шешем дастарқандағы нан мен қанттан тұрған жұпымылау мәзірді жаңалап, құрт, ірімшік, сары май, қымызбен жайнатып жіберді.

- Ім, шәй ішіп жатырмыз деңдер.

- Шәйдан басқа жүрек жалғайтын не қалды?

Әкем лекіте құлмек болып еді, бірақ сөзі ақиқаттың ауылышын қиястау қонып, өмірден қорлық көрген адамның рөлі онша сәтті шықпады. Қайта қайсар қарттың алдында айыпты баладай қарадай бүгежектеп қалды.

- Сен өйдеп күпірлік жасама. Айналанда ана шелектегі қара суды тыныштықпен ішуге зар бол отырған жұрттар да бар. Құдай не ішіп, не жесек те елдің амандығын берсін. Дүниенің ыпшыны жаман бол барады. «Аузы ақта тигенде, мұрны қанады» демекші, өз қолымыз өз аузымызға енді жетті ме дегенде, қайдағы бір алаңғасарлардың көкпарына түсіп кетпесек жаралды.

Ыстыбай атамның уәлі сөзіне үнсіз бас изеген әкем Ирактағы гұрс-гұрс еткен бомбалардың үні үйдің іргесінен естілгендей тұнжырап отырып қалды. Атамның «өз қолымыз өз аузымызға енді жетті ме» деп отырғаны – тәуелсіздік. Бірақ «тәуелсіздік» деген сөзді партия серкелері екпіндете айтқанда мұндай әсерлі шықпаушы еді. Ал атам айтқанда ол дегенініздің мағынасы Тәніртаудай асқақтап кетеді екен.

* * *

Атам «тыныштықпен қара су ішу» турасындағы ғақлиясын дөғарып, енді шаруаға ғана түсінікті тақырыпқа ауысты.

- Пиязың не дейді?

- Не деуші еді? «Су керек» дейді. «Селитра керек» дейді. Арам шөбі анау, бүгін отасан, ертеңіне Нұртуғанның жақ жүніндей үрпіп тұрған. Адамды қоңыз қылышп әсерлі тірлік екен.

- Кәрісің қалай?

- Орлик пе? Оны пияз егуге бола туған ба деп қалдым. Мұндай бейнетқор адамды көрмедім. Бала-шағасымен бірге азаннан кешке дейін бүкшендейді де жүреді. Арық-атыздың қасындағы алақандай жерге қызанақ пен қияр егіп, қарық болып жатыр. Біз болсақ мынау белімізді көтере алмай, ыңқылдалап әрең отырмыз.

- Үлгің қасында екен. Не деп жұбатам. Менің келген шаруам басқа. Жақында жиналыс болады. Даладағы адамсың ғой, естімей қалдым демесін деп, әдейі келдім.

- Депутаттықтан дәмелілер тағы да миымызды ашытады десеніші. Неғылған бітпейтін жиналыс бұл?

- Жә, Жортардың кәсіпорынан аққан шайынды арығымызды ластап жатыр. Ұзын сөздің қысқасы, бұл шенеуніктерге емес, өзімізге керек жиналыс.

- һым, һым...

Әкем жеткірініп, үндеңей қалды. Ал керек болса. Ыстыбай атам да Жортардың жауы болып шықты. Дүние не болып барады өзі? Екі адам бас қосса, Жортардың атын естисің. Ол не жазды сонша? Әлде бар айыбы пысықтығы ма? Кісіні дүниені жақсы көреді екен деп те кінәлауға бола ма. Өзі айтпақшы, бас дәрігерге де тاماқ керек. Ол болса бас дәрігер ғана емес, білдей депутат. Үбірлі-шубірлі отбасы бар. Солардың ішім-жемі үшін артықтау ақша тапса айып па? Бірақ іші тарлар іскерлігін бара жатқаның балтасын, келе жатқаның кетпенін алып қалатын жүліліктікке балайды.

Мынау жұмыртқадан жұн қырықкан пайдакунем заманда Нұртуған сияқты қоңырқай өмір сүрем деу не жатып ішер жалқаудың, не көк ми ақымақтың ісі. Ерінсен есем кетті дей бер. Сен мінетін тұлпарды басқа біреу мінеді, сен ішетін қымызды басқа біреу іshedі. Тағысын тағылар... Нұртуған нағашым сияқтылар Жортар екеумізді қажай бергенше мәселенің осындағы экономикалық жағын да ойлап қоймай ма бір мезгіл? Атам

айтпақшы, айнала атыс-шабыс, кісі өлімі. Төгілген қан, сөгілген қабырға. «Екі түйе сүйкенсе, ортасында шыбын өледі». Қазір екі мықтының ортасында бейшара болып қалмауды ойлайтын заман. Өні, Саддам Хусейнді ұстап алғып, дарға асты да тастады. Сол кезінде бір елді тітіреткен билеуші болған. Жұрт соны қалай дарға асқанын боксшылардың өнерін тамашалағандай тамсанып айтып жүрді. Бұл не сонда? Өркениеттің шырқау шыңына жеткені ме? Өлде тағылық та сән сияқты бет-аузын опалап оқтын-оқтын қайталанып тұра ма? Дүние не бол барады өзі?

* * *

Жортардың өмір туралы өз тұжырымы бар. Кешке дейін тапқан-таянған тыын-тебенімді апарып, есеп берген сайын хал-жағдайымды сұрайды. Ізетіне найза бойламайды сабаздың.

- Мынаң қара, - дейді сосын ол үстелінің үстіндегі күнтізбекті парастап, - мына жерде аспандағы Құннің қай уақытта шығып, қай уақытта бататыны жазылған. Миллиондаған жылдан бері 365 құннің пешенесіне жазылған бұл тәртіп бұзылған емес. Бұл - табиғаттың заңы. Құн осы тәртіп арқылы жер бетіндегі барша тіршілікті керек-жарақпен қамтамасыз етеді...

Жортардың «керек-жарақ» дегеніне құлқім келеді. Бірақ ұйып тыңдаған болып отыра берем.

- Міне, осы тәртіп бұзылған қуні дүние қараң болады. Сол сияқты біздің мекемедегі тәртіп те бұзылмауы керек. Әйтпесе онысыз да жаны қүйзеліп жүрген бейшаралардың тыныштығын сақтай алмаймыз. Әзірge құдайға шүкір, тыныштық бар. Қарашы ауламыз қандай тап-таза...

Есіме Домбыра түсті. Оның «қүйін» аузының суы құрып айтып берген Нұртуғанның сопайған басы мен шоқшиған сақалы да бір шеттен қылаң берді. «Айтсам ба екен?».

- Иә, сандырақтағандарына қарамастан ауланы тап-таза етіп сыптып қояды әйтеуір, - дедім мен екіштылауғып. - Тәртіп те бар. Сіз алдағы сайлауда тағы депутат болып кетсөніз хал-жағдайымыз бұдан да жақсы болатын шығар.

- Депутаттар да адамның баласы. Олардың да тамағы бар. Бірақ, айтпады деме, тәріп болмаса дүние тас-талқан болады.

- Ауруларды дауыс беруге апарасыз ба?

- Жартысын ғана. Қалғандары саяси дұрыс баға беруге қабілетсіз. Әсіресе, анау Домбыра, Орынтақ сияқтыларға абай болу керек.

Әңгімесі жаратылыстанудан басталып саясатты сұзгілеп барып аяқталған Жортардан не жамандық байқадыңыз? Өз басым түк те сезген жоқпын. Ел үшін етігімен су кешкен Едігелер осындай-ақ болсын.

Нұртуған нағашым, Айқыз және Азат үшеуі бір шаңырақтың адамдары сияқты бір-бірін көрмесе тұра алмайтын болды. Оларға бір жақтан ақсандағы басып Домбыра келіп қосылды дегенше, әңгіме-дүкеннің көрігі қызды дей бер. Әсіресе, басынан аяғына дейін бүркеген ерекше киім үлгісі сияқты Айқыздың әңгімелері де мынау қымсынуды ұмытқан қоғам үшін қиял сияқты ғажайып ғақлиялардан басталады.

- Айқыз, - деймін сонда да, - сен осы бет-аузынды орамалмен неменеге тұмшалап аласың? Өлі жас емессің бе? Оның үстіне әп-әдемі реңің бар...

Түйеден түскендей тосын сауалыма тосылып қалғандай қабақ шытқан Айқыз біраз уақыт ойланып отырып қалады. Содан кейін жәйлап қана:

- Орамал деген үлбіреген жұқалығына қарамастан әйел адамды ер азаматтан қорғайтын ең мықты қамал ғой. Егер құлақ салсаң, сендерге бір хисса айтып берейін.

- Бұл Жортардың пайда туралы пәлсөпасы болмаса, басқа ғибратты тұшынып тыңдай қояр ма екен?

Нұртуған нағашым да баяғы әлі келгенше мұқатып жатқан. Бірақ оның сөзін естімеген болып:

- Айта бер, Айқыз. Жақсы нәрсені неге тыңдамасқа, - деп панданамын.

Нұртуған соқа басты жалғыз, Айқызды да тұлдыր жетім деп естідім. Азат пен Домбыраның тағдыры боса-болмаса да түсінікті. Қала сыртындағы қоқысқа жел ұшырып әкелген ұрықтан жапырақ жайған гүл сияқты төрт мұңлықтың арманы не, аңсары кім?

- Имам Ағзам Әбу Ханифаның жас кезі болса керек, - деп бастайды хиссасын Айқыз өте бір нәзік те биязы дуыспен. Мен шығыстың Шаһризада атты ақылы асқан сұлуы да кезінде ұлы мәртебелі патшасына мың бір түннің хикаясын осындай бір әуезді үнмен бастаған шығар деп ойладап, тамсанып-тамсанып қоямын.

- Бірде дәрет алып отырса арықтағы сылдырап аққан сумен қармақтың қалтқысындағы тербеліп келе жатқан қып-қызыл алманы көреді. Алманың аты алма. Оның үстіне су шайған жеміс жалт-жұлт етіп көздің жауын алады. Әбу Ханифа алманы судан іліп алып, тұщына тістейді. Бірақ тәтті шырын тілін үйіре берген сәтте біреудің ала жібін аттама деген ана тәрбиесі есіне сап етеп түсіп, екі беті ду етеп қалады. Содан кейін «Оу, шынтуайтына көшсек, бұл біреудің бақшасының жемісі. Ал мен болсам бағбанның рұқсатын алмасстан жартысын жеп қойдым. Бұл үшін Алланың алдына барғанда не деп жауап беремін» деп қатты қайғырады. Қайғыдан арылу үшін

бақшаның иесін іздел, судың жоғарғы сағасына қарай аяңдап кете барады. Біраз жүргеннен кейін бағбан да кездеседі.

- Ассалау мағалейкүм, алдияр ата! Жоғарғы жақта сіздікінен басқа бақша бар ма?

- Ұғалейкүм мессалам! Бұл арықтың бойында тек қана менің бақшам бар, балам. Оны неге сұрадың?

Әбу Ханифа арықтағы сүмен ағып келе жатқан алманы рұқсатсыз жеп қойғанын айтЫП, бағбаннан қылып кешірім сұрайды.

- Жоқ, балам, кешіре алмаймын. Қиямет күні осы күнәң үшін Алланың алдында жауп бересің өлі, - дейді бағбан.

- Ататай, кешіре көріңіз, бұл күнәң Қиямет күніне қалдырмайық. Жалғаның жарығында-ақ бітімге келейік.

- Ендеше, менің көзі соқыр, құлағы керең, қолы шолақ, аяғы ақсақ және тілі мақау бір қызыым бар, егер сен тағдырдың салғанына көніп, соған үйленетін болсан, күнәнді кешіп, ақ батам мен ризашылығымды берем.

Дүние - қамшының сабындағы қысқа, ал ақырет - мәңгілік. Сондықтан Қиямет күні болғанда мәңгі бақи қиналғанша, мұның ғаріп қызын алып, жарық дүниеде аз ғана уақыт қиналғаным жеңіл болар. Оның үстіне мүгедекке қол ұшын беру үлкен сауап, деп ойлаған Әбу Ханифа бағбанның талабына келіседі.

Бағбанның үйіне келсе бөлмеде ай десе аузы, күн десе көзі бар бір сұлу отыр дейді. Тал бойында титтей де мін жоқ. Жігітті жылы жымып қарсы алады. Мұндай сұлуды бұрын-соңды көрмеген Әбу Ханифа:

- Сіз маған кемтар, ғаріп қызыңызды жар етем деп едіңіз, мұнда он екі мүшесі сау-саламат сұлу отыр ғой. Әлде жаңылып басқа бөлмеге кіріп кеттім бе?

Бағбан көпті көрген ғұлама кісі екен:

- Менің қызыым осы. Бірақ, соқыр дегенім – жаман нәрсеге көзін сүзіп қадалған жоқ, керең дегенім – Құран мен Хадистің ғибратынан басқа сөзге құлақ салмады, ақсақ дегенім – бақшадан ұзап шығып, шаһардың лас көшелерін баспады, мақау дегенім – ғайбат сөзбен сүйрендереп көзге тұспеді, шолақ дегенім – арам затты қолына алған емес дейді. Сен де ісіңнен үлгі алатын ғибратты жас екенсің. Суда ағып бара жатқан алманың жартысын жеп қойғаның үшін бәленбай шақырым жерден мені ерінбей іздел келіп, кешірім сұрадың. Осының өзі-ақ үлкен имандылықтың белгісі. Бірақ мен сені тағы бір сынап көрейін деген едім. Сен ол сыннан да сүрінбей өттің. Сонда ғана менің қызыым саған лайық екеніне көзім жетті, - дейді.

Аузым ақыып отырып қалыптын. Ыстыбай атам Жортардың көлік жуатын кәсіпорынынан ақжан шайынды су арықты ластап

жатыр деп алаңдаса, Айқыз арықтағы алманы абыламай бір тістеп, қамықкан Әбу Ханифаны үлгі тұтып отыр. Қандай тазалық, қандай үйлесім мен үқсастық. Айқыздың талдырмаш тұлғасы көз алдында Тәңіртаудың шыңындағы сұлу шынар сияқты қол жетпес биіктегі қалықтап бара жатқандай...

* * *

Домбырамен әңгімем жараса бастады. Жарастырған оның көп білетіндігі. Гесиодтың «Теогония», Гомердің «Иллиадасы» мен «Одиссеясы» және Овидидің «Метаморфозасының» кез-келген жерінен мысал келтіргенде таңданбасқа шараң қалмайды.

Ол, әдетте, көлік жуушылар тұскі тамағын алдына ала берген кезде төбе көрсетеді. Жындыхананың сылдыр судан тұратын тамағына қарны тоймай жүргенін сезіп, оны дастарқанға шақырамын. Көлік жуушылар дастарқан мәзірін шама-шарқы жеткенше жайнатып қояды. Ас-су ішілген соң гу-гу әңгіме басталады. «Өскенде Жоғарғы сottың тәрағасы болам. Ел-жүртқа «Әділ болсан, Құтыбастың баласындағы бол!» деген атақдаңымды шығарамын» деп жүрген мен үшін бұл таптырмайтын дәріс.

- Зевстің алтын тағының қасында Фемида кірпік қақпай қарап тұрады екен, - дейді Домбыра. – Оның міндеті Зевстің бүйірігімен Олимптегі құдайлар мен жердегі халықтың жинальсын шақырып, заның бұзылмауын қадағалау болса керек дүр. Зевстің Дикэ деген ару қызы шындықтың қорғаны, өтірік пен өсектің жауы болыпты. Ондай ару жоқ қой қазір.

Домбыра ежелгі грек аңыздарын термелеп кеткен кезде ойыма Айқыз келеді. Дикэ сияқты ару неге жоқ болсын? Ол, міне, қасымызда отыр ғой. Ажарына ақылы сай деп осындағы қызды айтпай ма!?

* * *

Жортардың үйіндегі қүйкі тірлікten құтқару үшін көлік жуушыларға көмекші болсын деп Азатты сұрап алғаным дұрыс болды. Өзі Айқызға әбден бауыр басып алды. Сұлу қыздың арбасындағы тәтті тағамдарға тойып алған соң әпкесінің дәрісін тыңдауға көшеді.

- Әпке, - дейді Айқызға, - мені жасың асып кеткен деп мектепке қабылдамай қойса қайтемін?

- Тал бесіктен жер бесікке дейінгінің бәрі мектеп, бәрі білім. Ол үшін Имам Ағазам Әбу Ханифадай алғыр бала болуын керек. Сонда мектепке де, университетке де өздері шақырып алады.

- Әпке, Әбу Ханифаны Имам Ағзам дейтіні несі?

Айқыз хиссасын одан ары жалғастырады. Әбу Ханифаның заманында Харон ар-Рашид халифа болыпты. Ол Мұхаммед

Пайғамбар Салаллаһу Ғалейки Уассаламды ерекше құрметтейтін ізгі жүректі жан екен. Пайғамбарымыздың шықса, жаны жәннатқа барады» дегенді оқып, үйқыда жатқан тозақта баратын болдың» деп үрейленеді. Ар-Рашид болдайды да: «мен жәннаттықпын ба, жаһаннамдықпын ба?» дәйекті жауап таптай абырайды. Сарай білгіштерінің дұрыс жауап айтпасандар, бастарыңнан айырыласындар»

Газиз бастарына қауіп төнген ғұламалардың сұп-сұр жүздерін көрген Әбу Ханифа мәселенің мәнісін білген соң «Халифаның құлағына мен жауап беремін» деп жар салады. Бұл мәлімдеме Бірақ Әбу Ханифа шақыртушыларға ілеспей «Халифа маған лифа бұған шамданғанмен сұратқан түйесі мен серкесін беріп жібереді.

Әбу Ханифа сарайына кіріп келген кезде Харон Ар-Рашид «өй, кешелі бері шіреніп жүрген кім десем, бойы бір тұтам бала екен ғой. Бұл бізге қалай ақыл айтады?» деп күледі. Сол кезде Әбу Ханифа жұлып алғандай:

- Егер сізге бойы ұзын ақылшы керек болса әне, түйенізді алып келдім, содан сұраңыз, ал егер сізге сақалды ақылшы керек болса әне, маған берген серкеніз де тұр, содан сұраңыз. Ал пәтуәлі жауап керек болса, мінеки, кішкентай болсам да сіздің ғұламаларыңыздан ақылды асқан мен тұрмын, менен сұраңыз, деп тақ ете қалады.

Халифа баланың тапқырлығына таң қалып, тағынан тұрып сәлемдеседі. Жас болса да білімі мен білігін мойындал, балаға болған жәйтті түгел баяндайды. Сонда Әбу Ханифа:

- Алла тағаланың қаһарынан қорқып, біреуге жасағалы тұрған қиянатыңыздан бас тартқан сәтініз болды ма? - дейді

Халифа біраз ойланып отырады да:

- Әкем қайтыс болғанда артында бір жас қызметші әйел қалып еді. Бірде сол сұлуға аңсарым ауды. Бірақ осы аруда әкемнің де көнілі болған шығар, олай болса бұл маған ана болмай ма деген ойдан қатты шошып, Алла тағаладан кешірім сұрап, бұзық ойымнан лезде қайтып едім, - дейді.

Халифаның сөзін зейін қоя тыңдаған Әбу Ханифа:

- Сіз - жәннаттықсыз! - дейді.

Манадан бері құлаққа ұрған танадай тыныштыққа бөлениң сарайдың ішінде шыбын жандарынан тұңғыліп отырған ғұламалар Әбу Ханифаға қарап:

- Сен бұдан былай Имам Ағзамсың, - деп шу ете қалады. Біз білмегенді ойын баласы қайдан білсін деген тәқаппарлықтары үшін кешірім сұрайды.

Халифа Харон Ар-Рашид Имам Ағзам атанған Әбу Ханифаны құрметтеп, үйіне зор салтанатпен шығарып салады. Үйіне келген соң Әбу Ханифа болған оқиғаны анасына түгел айтып береді. Сонда анысы:

- Біреудің ала жібін аттама, рұқсатсыз ештеңесін алма деген менің ғибратымды тыңдамай, суда ағып бара жатқан алманың жартысын жеп қойдың. Егер сол алманы жемей, нәпсінді тия білгенінде үш жасында Имам Ағзам атанарап едің. Сол күнәң сені төрт жасқа кешіктірді депті. Әбу Ханифа Имам Ағзам сол кезде небары жеті жаста екен. Ендеши, ең бастысы үят пен нысапқа берік болу керек. Солай ма, Азатжан...

Айқызың аңыздары көлік жуушылардың еңбегінің үстінен тапқан ақшамның құнын түкке тұрғысыз ғып тастаған сияқты. Нұртуған нағашымның тыжырынатыныңдай бар. Жұптары жарасқан тотыдай екі мұнғлықтың жарастығын жамандыққа жорыған онбағандығымды айтсайшы бәрінен де?!. Олар болса Жортардың байлығы мен менің шайлығыма сұғын қадап жүрген жоқ қой. Өз сезімдеріне өздері мәз. Дүниедегі бар олжасы сол.

Мен сонда кіммін? Бастық айтты екен деп бас дізей беретінім қалай? Қарсы уәж, жеке пікір деген болмаушы ма еді адамда?

Жортар жоқта Домбыра мен Орынтақта құтушілер қожайын. Ауырдың үстімен, женілдің астымен мал табуға машықтанған менің уақытша кәсібім сияқты олар да май шелпекке әбден жаман үйреніп алған. Өздерінің қолы бармайтын лас жұмысты аурулардың иғына артып қояды. Өкімет болса жүйке ауруларымен бірге жүйкесі тозып жүр деп құтушілерге жақсы жалақы төлейді.

Айтпақшы, Орынтақ туралы айтпаппрын ғой. Құтушілер байғусты құдайдың құтты құні шыңғыртып жазалайды да жатады. Ол да өлер жерін ойламайтын бір сорлы. Ауруларды аулаға қыып шығып, палаталарына кешке дейін кіргізбей қоятын құтушілерге қарсы ұран жазып, онысын жалбыратып талға іліп қояды. Бұл қылышы үшін оны құтушілер қалай жазалауды біледі. Әлжуаз міскінді аяқ-қолынан дырылдата сүйреп әкеледі де біздің кәсіпорынның еденіне лақтырып тастанды. Сосын су атқышпен мұздай суды басы-көзіне ал кеп шаш.

Барып кел, алып келін тап-тұйнақтай етіп жүрген соң Жортармен еркінмін. Кеңесінің төрінде болатын кішігірім қонақкәде кезінде шәй-пәйін тасып, қызмет жасап жіберетін пысықайлығым және бар. Жұғымдылығым жаңына жаққаны сонша:

- Сен, Көркемтай, оқуды қой да менің кәсіпорыныма басқарушы болып кел. Диплом керек болса кейін сатып-ақ аласың, - деп қамқорсиды.

Бірде көнілінің көл-пал кезін пайдаланып:

- Күтушілерді тәртіпке шақырмайсыз ба? - деп ем:

- Шырағым, әр жұмыстың өз спецификациясы болады. Ол бізге де тән. Сен тапқан ақшанды шатаспай санауды ғана біл. Соңғы кезде жоспарды аздау орынданап жүрсің. Байқа, бала, мен жорғалаған құрт-құмырысқа мен ұшқан құстың ерек, ұрғашысын ажырата білемін, - деп түсін сұтын.

Бұл оның «Аязби өлінді біл, құмырысқа жолынды біл» дегені тұғын. Шынында, сау басыма сақина тілеп нем бар? Одан да құшуаққа отыр-е-еп Орынтақпен қылжақтасқаным қызық емес пе.

- Әй, Орынтақ, кел, мына орындыққа жайғас.

- Жоқ, отырмаймын.

Ол өзінен өзі ыршып түседі. Оның осы қылышын қызық көріп сұрақтың астына аламын.

- Неге отырмайсың? Жамбасыңа жайлы емес пе, сорлы-ау?

- Бұл жаман орындық, бұған отырған адамдар жынданып кетеді.

- Қалайша?

- Мен бастық болған кезде осындай арқалығы биік бұлғары орынтағым болған. Әдемі десен әдемі, жайлы десен жайылы. Отырған орнында шыр көбелек айналып, қалаған телефонынды алуыңа да болады. Бірақ үлкен кеңседегі үлкен орындыққа отырғызған соң бір айдан кейін айқайлай бастадым. Үйде тыптыныш жүрем. Ал кеңсеме келіп әлгі орындыққа отырсам болды, ашудан алқымым ісіп, арқам қоза бастайды. Сосын телефонды терем де әркімге бір айқалап, ұрса бастаймын. Кейде, тіпті, қатты айқайлайтынным сонша, басым ауырып, жүрегім айнып, шаршап қаламын. Ондайда күйзелген жаңыңа темекінің ашы тұтіні де жәрдемдеспейді. Бұл өте жаман орындық. Бұл орындыққа сен отыр... құмарсың ғой...

Орынтақ маған қолын шошайтады. Таққұмарлығымды бұл да біліп қойған ба, немене?!. Айтпақшы, мінберде тұрғандай өзінен өзі екіленіп, қолын сермеп, талдарға ұрандар іліп, лағып кете беретін Орынтақты жазалау үшін өзі қорқатын орындыққа немесе талға байлаپ, қарғаның қанаты күйетін ыстықта күннің астына қалдырғанын талай рет көргем.

III. Қызығылттың өзіндең тұрғанында

Нұртуған нағашым ақыры кетті. Ә дегенде «өлеңдерімді жариялаған редактор сенен жап-жақсы публицист шығады деп қызметке шақырып жатыр, бірақ сүйегім қатайып қалған маған қайдағы жазушылық» деп, жүрген нағашым редакцияның қоңыр салқын бөлмесі жаңына жаққан соң бір жола қарасын батырды.

Айқыз болса Азатты алып кетпекші. Балалар үйіне орналастырамын деп талаптанып жүр. Мен оның осыншама жұмысқа қалай үлгеретініне таң қаламын. Қазір балақай көнілді. Жыртылған киім-кешегі де бүтінделді. Анасының суретін де қайта жасатып бергенбіз. Айтпақшы, шешесінің дерегі сонау Парижден шықты. Әйгілі Эйфель мұнарасының түбінде тұрған суретін салып жіберіпті. Қазақтың «қой мен қыздың бармайтын жері жоқ» дейтіні бекер емес екен. Айқыз әйтеуір хат жазысып жүріп Азатты балалар үйіне орналастыруға тілхат алып алды.

Жәрменкедей қыз-қыз қайнап жататын кәсіпорынның қызық-думаны нағашымның арқасы екен, қазір тарқаған базардай құлазып қалған. Қай жаққа қарасаң да көнілсіз сұрқай дүние. Әйтеуір ендігі сырласым да мұндаасым да Домбыра. Оның өзі де жалғызырап, көнілсіз жүр. Кеше, тіпті, кемсендеп жылап жіберді.

- Сізге не болған, бізге Геракльдің он екі ерлігін үлгі ғып жүруші едіңіз ғой.

- Қолдан келмейтін шаруа болған соң айтқан арман ғой ол. Ерлік сендерден шықпаса...

- Не болды? Жұмбақтамай айтсанызшы?

Домбыра аузынан жалын ата ауыр күрсінді.

- Мен... мен... жынды емеспін.

- Не-ме-не?!

- Мен сап-сая адаммын деймін. Ой-санам орнында.

Бекер-обалы не керек, Домбыраның көзі аларып, сілекейі шұбырып жүргенін көрген емеспін. Пәлсәпаға толы аңыз әңгімелерін сау адамға бергісіз ғып айтады. Негізі, нағашымның Домбыраға бүйрекі бұра беретінінде бір сыр бар сияқты көрінуші еді, тегін емес екен.

- Домбыра, сен мені алғаш рет көргенде «Тасың өрге домалағалы тұр бала, бірақ...» деп неменеге күмілжіп қалдың? Сенің сол екіштылау ғып айтқан сөзіңің жауабын әлі күнге дейін таппай, ойланамын да жүремін.

- Айтпауым керек еді. Бірақ Жортар мені «есуас» деп қамап отырған соң есуасқа үқсап бірдене деуім керек болды ғой.

- Сонда ешқандай қисыны жоқ, әншнейін айта салған сөз бе?

- Мен қашан қисынсыз сөйлеп ем?

- Сонда не?

- Білгің келсе айтайын. Сен сияқты менің де қызметім тұра жуытпайтынын...

- Мүмкін емес.

- Неге? Бері де мүмкін. Менің көрген құқайымды ертең сенің де бастаң кешуің әбден мүмкін. Ана безбүйрекten бәрін күтуге болады. Тұла бойым мұздап, денем түршігіп кетті. Дегенмен сыр бермеуге тырыстым.

- Сен менің бір аяғымды сылтып басатынымды байқап жүрсің бе?

- Иә.

- Бала кезімде тап болған полиомиелит ауруынан семіл қалған.

- Кешіріңіз, саудамның «есуасқа» айналуына полиомиелиттің қандай қатысы бар?

- Мен бәленің бәрін бала кезде жабысқан аурудан көремін.

- Қызық екен...

- Егер бір дәкейдің еркесі болғанымда шет елдегі ең мықты деген ауруханада емделіп, құлан таза жазылып келер едім. Бірақ менің анамның оған мүмкіндігі болмады. Ал кемтар адам кімге керек?

- Әлемде тіршілікке икемді атақты мүгедектер де аз емес қой.

- Оның рас. Бірақ ақ жүрек аңқаулары да бар. Олар өмірге икемсіз болады. Менің жындыханаға түсіуме осы бір осалдығым себеп болды.

- Қалай?

Домбыра «қалай дерің бар ма?» дегендей қабағын шытып, күйизеліп қалды. Әлден уақытта өзіне өзі келгендей бойын тіктеп, еңсесін көтерді де менің өнім түгілі түсіме кіrmеген сұмдықты айта бастады. Сұмдық дейтінім Жортардың әйелі... Домбыраның қарындасты екен.

Домбыра ашуын насыбайдан алғандай ернінің астындағы көк бұйра түйіршіктердің уытына елтіп біраз үнсіз отырды.

-...Анам қайтыс болған соңғей әкем менегей қарындастының сыйыр-күбірі көбейе бастады. Сөйтсем қара шаңырақты өз аттарына қалай заңдастырып алуды ойлап үйқылары қашып жүр екен. Бірақ маған айтуға бата алмайды. Қара шаңырақтан басқа пәтерім де болған. Бірақ тәлемақысы алқымнан алған соң сатып, ақшасына саяжайдан шағын баспана алып ем. Сол кішкентай құжырам бір басыма беймарал жететін болған соң үлкен үйге қарындастының қожайын болуына қарсылық білдірmedім. Бірақ бұл бәленің басығана екен...

Ойыма женгемнің Азатқа «арналған» шай түсіп кетті.

- Қарындастыңыз...

- Иә, Жортардың үйіндегі женғен. Мүгедектігіме берілетін азын-аулақ зейнетақымды қанағат қылып, жұмысты да біржола қойып, жан бағып, тып-тыныш жатыр ем Жортар мен қарындасты екеуі жалғызлікті екенімді айтып, қарттар үйіне орналастыруға үгіттеді. «Дегендерің болсын» деуім сол, құжырамды бір айға жеткізбей сатып жіберді де, мені қарттар үйі емес, осы жерден бір-ақ шығарды. Диспансерге кіріп келе жатып оның бір кезде өзім есепші болған жындыхана екенін көріп есімнен танып, құлап қала жаздадым. Бірақ кеш. Қара шаңырақ қарындасты, саяжайдағы баспанамның ақшасы Жортар сияқты «қамқоршыларымның» өңешінен өтіп кетті.

Ақыл-есі түзу адамның мына жерге көндігуі қыын болады екен. Орынтақтан бастап айналамның бәрі жат, бәрі жеркенішті. Әжетханасына да, асханасына да кіре алмаймын. Жуынатын жері де адам көргісіз. Қарға адым жер аттауы мұң байғұстармен бірге май, тұзы жоқ сылдыр суды қалайы тостақтан ит сияқты еденде отырып сораптаған кезде, «бүйтіп өмір бойы азапқа салғанша бала кезімде басқа ауру жіберіп неге өлтіре салмадың» деп құдайды қарғаймын. Әжептәуір кітаптарым бар еді, оларды да босаға құзеткендер алып қалды. «Итке темір не керек?» дейді. «Ау, мен есуас емеспін» десем, «Бәлкім, Пушкин шығарсың» деп жырқ-жырқ құледі.

- Жортар не деді? Үәдесі қайда оның?

- Ол бұл жерге былтыр келді. Бұрын департаментте болатын. Не істеу керек? Қарындасты екеуінің алдап соққанына қаным қарайып жүрсе де сыр білдірмей мына қапастан құтқаруын өтіндім.

- Бара салатын баспана жоқ. Өзірге жүре тұр. Қарттар үйіне барғанда да көретін құқайың осы, - деді ол.

Сөйтсем Жортардың алашағы әлі таусылмапты. Ендігі нысанасы – зейнетақым сияқты. Мен бұл қорлыққа шыдамадым. Аулада ұран жазып, айқайлап жүрген Орынтақ екеуміз өшімізді арақтан алдық. Есімді жисам у-шу. Орынтақ тұн жамылып Жортардың көңсесіне кіреді де орынтағын быт-шыт қылып, телефондарын шағып тастапты. Ол байғұс бәленің бәрі орындықта деп ойлайды. Ертесіне Жортардың тергеуі басталды.

- Талға байлайық па, әлде ине шаншиық па?

Күйеу бала мүлде жат адам сияқты. Өйткені ең басты кінәлі мен ғой. Ыстық күннің астында талға таңылғым келмегендіктен дәріні таңдадым. Ол да оңай емес. Бір мезгілде 20 құты дәрі егеді. Сосын күні бойы мен-зен болып жүресің де қоясың. Дәрінің уыты қайтқаннан кейін Жортарға апарды. Орынтағын жаңалап алыпты. Телефондары да безілдеп тұр.

- Саған не жетпейді осы? Көрі қойдың жасындағы жасың қалғанда тыптыныш жүрмейсің бе?

Кекейімдегі барлық шер-шеменді ақтардым. Бірақ Жортар әйелін сұттен ақ, судан таза адамдай ақтап шағарды да, кіненің бәрін өгей әкеге теліп қойды. Дегенмен:

- Жақсы, қарттар үйіне орналастырайын. Бірақ ол үшін мені қамқоршым деп тануың керек. Онысыз болмайды. Бірақ оған дейін бүлік шығармай, шыдай тұр, - деген сөзіне ішім жылып қалды.

Осыдан кейін ол мені машинасына мінгізіп поштаға алып баратын болды. Зейнетақым 9 мың 128 теңге екен қол қойып, санап алдым. Бірақ 9 мыңды Жортар өңмендер өзі алды да, 128 теңгені маған ұстатты. Міне, көрген күнім осы. Ай сайын поштаға барып, адал ақшамды Жортарға өз қолыммен санап беріп тұрамын. Кейде өзегімді өртеген өкініш пен ыздан ішім удай ашып, жылап жібере жаздаймын. Ол болса адвокат жалдаймын, судьялармен сөйлесемін деп істі өлі сағыздай созып келеді. Ал менің мына ит байласа тұрғысыз жерде бір минетте өмір сүргім жоқ.

Тұк білмейді екем. Мынау айтуға ауыз бармайтын қатығездік қой, құдай-ау! Осыншама езгіге шыдап жүрген Домбыраның жүйкесі темірден жаралған екен қайта. Осыдан кейін Жортарға қалай қол ұсынып, қалай амандасуға болады?

Домбыраны жаңа көргендей аяп кеттім.

* * *

Ыстыбай атамның жиналысы партия серкелерінің ұрандатқан бас қосуларына ұқсамайды. Партия демекші, біздің ауылда бір партияның қорасынан екінші партияның қорасына қой сияқты кіріп кететіндер жыртылып айрылады. Ондайлар «сатқын» атандық-ау деп те ұялмайды. Әйтпесе, Шыңғысханның «Сен бүгін Қайырханды сатсаң, ертең мені сатасың» деп, Отырар опасызын қалай жазалағанын бесінші сыныптың оқушысына дейін беске біледі емес пе? Осының бәрін көріп жүрген Нұртуған нағашым түңіліп кеткенде «партия біткен түптің-түбінде өз өтірігіне өзі тұншығып өледі» деп, маған Том Сойэрдей досты тауып берген американың аты әлемге әйгілі жазушысынан мысал келтіреді.

- Жортар келді ме? – деді, Ыстыбай атам жүрттың бәрі түгел жиналды-ау деген кезде.

- Келді, - деді біреу, - залда отыр.
- Оnda мәселені «Жортар» деп жазып қойындар.
- Екінші мәселені қараймыз ба?
- Ол неғылған мәселе? Оны кім ұсынып отыр?
- Алдағы айда сайлау ғой. Бас дәрігер өз партиясының атынан бір ауыз сөз сұрап отыр.

- Ерікпесін, сайлаудың кампаниясы әлі басталған жоқ. Сейтіп, жиналыстың күн тәртібіндегі «Жортар» деген жалғыз мәселені Ыстыбай атам бастады.

- Жортар қарағым, мына елдің де сен сияқты құдайдан үміті бар. Тамағы, бала-шағасы бар. Оларға да таза дәм, таза су керек. Ал, сенің анау көлік жуатын жеріңнен ағып жатқан дәрі аралас лайың бәріміздің бау-шарбағымызды майқамдап түгесті.

Мектептің іші араның ұясындағы гүлдеп кетті.

- Ақсақал орынды айтып отыр.

- Көлік емес, өлік жуатындағы ісі әлем сасиды сайтаның...

- Май мен шаңға химия араласқан соң тірлік оңа ма...

- Ойбай-ау, ол жерде адам мен итті қағып кеткен байдың балалары көліктеріне жүққан қан-жынды жудырады дейді түнделетіп...

Жортар орнынан атып тұрды.

- Өйтіп жала жаппаңыздар, мен заңға қайшы келетін ештеңе істеген жоқпын.

- Әй, Жортар, сен өйтіп шыжбандама!

- Рас, - деді Жортар тұтігіп.

Жүрт тағы да дабырласып кетті.

- Әй, Жортар, біз бұл жерге біреудің жыртысын жыртып келіп отырған жоқпыз, балалардың болашағын ойлап келіп отырмыз. Өтірік десен шарбағымызды барып көр...

Жортардың бедірейіп, міз бақтауы жаңына қатты батып кетті-ау деймін, Ыстыбай атамның жүзі де қүренітіп кетті.

- Мен айтатынымды айттым, - деп Жортар да қасарысып тұрып алды.

Мен де шыдамадым. Отырғандар одырая қарасты. Жүздерінде бұл бишікеш не айтпақшы деген таң-тамаша кейіп бар. Жалпайған, сопайған беттер мен бақырайған, сыйырайған көздердің арасынан Айқыз мен Нұртуғанның да жүздерін байқап:

- Халайық, - дей беріп ем тамағым құрғап, үнім шықпай қалды. Айқыз жүгіріп келіп «Кока-Кола» ұсынды.

- Құтыбас, а, Құтыбас, мына балаң адам бол қапты, әй.

- Жиналыстан соң «жұып» жіберу керек.

- Тұрысын қарааш-ш-ш, қасқайып.

Быжылдап көпке дейін басылмайтын көпіршікті газы кеңсірігімді жарып жібере жаздаған «Кока-Кола» тамағымды жібітіп, жан сарайымды шайдай ашты.

- Халайық, - дедім тағы да айналама қарап, - ойыма «Қызы Жібек» фильміндегі ру басыларын ауызбірлікке шақырған Төлеген тұсті. Ол отты жанары сұлу Жібекпен тоқайласып қалған сәтте бірауық аңтарылып тұрып қалмаушы ма еді? Мен де Айқызды іздедім. Олар Нұртуған екеуі терезенің

қасында тұр еken. Абыржи бастағандарына қарағанда, мынау бірденені бүлдірмесе игі еді деп қобалжып тұрған сияқты.

- Мен Үстүбай атамның бір өлеңін оқып берейін. Атам оны кезінде басқарма болған Төскебай деген құрдасына шығарған еken.

Төскебай, ақылың бар, бас адамсың,
Күнделікті табысқа мастанасың.
Алдан жеп әркімдерден бес-он тын,
Ақыретке барғанда - масқарасың!

Қарындас сіздің үйде жібек баулы,
Ер жігіт күн көреді дені саулы.
Мұсылман ақыретті ойлау керек,
Ақырет - мұсылманның үлкен аулы!

Бұл өлеңмен айтайын дегенім, Жортар да жамағаттың мәңгілік мекені – көр азабынан қорықса деймін. Мен болдым. Мектептің іші тағы да гүлдей жөнелді.

- Әй, мына өлеңді Жортар түсінсе жақсы ғой...

- Сөз-ақ болды-ау...

Айқызыға қарасам дұрыс дегендей, құліп тұр еken. Жортар болса уы сыртына тепкен қарақұрттай тырсып, ала көзімен атып жібере жаздайды.

«Орманбет би өлген күн, он сан ноғай бұлген күн» дегендей, Жортар екеуміз диспансерге екі бөлек қайттық. Бұрын ол мені сары алтындағы салмақтан «Джипіне» мінгізіп алатын. Бұл жолы өлмесең өмірем қал дегендей ми қайнатар ыстықта жаяу та-стап кетті. Бұл - «ел айрылғанның» маған бағыттаған алғашқы соққысы еdi.

Жұмысқа келген соң екі өкпесін қолына алып құтушілер жетті. «Жортар шақырып жатыр» дейді ентігіп. Барсам орынтағында өкпесімен қабынып, өтіменен жарылып, тұтігіп отыр еken.

- Тұлқіні түлен тұртсе тұнде жортар деген. Қандай түлен тұртіп жүр сен баланы? - деді сіріңкедей жіңішке шылымының құлін шертіп-шертіп жіберіп.

- Ешқандай түлен тұрткен жоқ.

- Енді ненің буы желіктіріп жүрген?

- Сасық сұы кілкіген арықтан аттағанмен, алқалы топта ақиқаттан аттай алмайды екем.

- Бәлі, ұстазың есуас Домбыра болды ғой. Мен сені дүниеге икемі бар пысық жігіт бола ма деп үміттеніп жүрсем. Мылжыңдықпен малтасын езген нағашымның жолын қуам

десенші. Демократымақтар...

Ызғарлана сөйлеген Жортар қызбаланып орынтағынан тұрып кетті. Бөлмесін ерсілі-қарсылы кезіп жүр. Маған столының үстіндегі құнпарақты көрсетіп ақыл айтатын әдетіне тағы басты.

- Бермен қара кішкентай данышпаным, тарихшылар Ленинди жауыз болған еken деп таңғалып жүр ғой қазір, бірақ Сталиннің сойқаны одан асып түскен жоқ па? Хрушевті те күстәнәлап еді, енді «ойбай, Брежнев одан өткен албасты еken» деп, аһылап-үхілеп шыға келді. Ә-ә, «Қайда барсаң да Қорқыттың көрі» деген осы. Бұл жерден мен кеткеннен ертең тағы бір Жортар келеді. Қыырдақтың көкесі сонда болып жүрмесін.

Ол коммунистердің көсемдерін басқа ұрып санай бастағанда, әкем сүйсініп айттып отыратын «Ай, Абылай, Абылай, Он бір ғана жасында, Өншейін-ақ ұл едің, Он бес жасқа келгенде, Өбілмәмбет төренің, Түйесін бақсан құл едің, Абылай атың жоқ еді-ау, Сабалақ атпен жүр едің» деген Бұқардайын жыраудың термесі ойыма орала кетті. Міне, сол бетің бар, жүзің бар демей кемшілігін тұра айтқан жанкешті жыраудың тілін байлап, басын кеспеген Абылай хан не деген текті еді! Бірақ оны Жортарға айттың не, айтпадың не, бәрібір: «Домбыра сияқты есуастар мен сенің нағашың сияқты мылжының жанына не керек осы, а? Тамағы тоқ, көйлегі көк болса жетпей ме?» деп, талағы тарс айырылатыны анық.

- Боспын ба?

- Бар, жоғал.

Азаттық деген арқа-жарқа қуанышты өз жаныңмен сезіну қандай ғажап, сыртқа шығып ем тынысым ашылып, арқам кеңіп сала берді. Осында келгелі еңсемді көтертпей жүрген белгісіз бір зілбатпан жүк те иығымнан өзінен өзі сыптырылып түскендей. Жүрегімде көлік жуушы балаларға деген сүйсіпеншілік сезім тамыздың өрігіндегі уылжып қоя берді. Президенттердің тарихын хатқа түсіретін шежірешілер біраз жылдардан кейін мына балалардың біреуі туралы «Ай, Абылай, Абылай...» дегендей, «Бәленбайыншы жылдың түгенбайыншы айында көлік жуған бала еді» деп сүйкектеп отырмаса неғылсын...

- Көке, сізге хат келді...

Алдынан арқа-жарқа болып жүгіріп шықкан Тінәлі қолыма бір конвертті ұстата берді. Ойым лезде он саққа бөлінді. Нұртуған нағашыма еліктеп өлең жазатыным бар еді, соның біреуіне редакторлардан келген жауап болды ма еken? Біреуі болмаса біреуі жарияладап қалса әжеп емес деген есек дәмемен өлеңдерімді жолдамаған газетім қалмаған шығар. Бірақ бәрінен құрғақ ақылға толы хат келеді де тұрады. Кейбір газеттер, тіпті,

аттың бауырына алып, «сабап» та алады. Бір қу тілді редактор шымалдай қаптаған өлеңшілерге жеке-жеке хат жазуға ерінді ме білмеймін, әйтеуір, «Аттарыңды тауып ал» деп, айқайлатаңып тақырып қойыпты да, шығармалары сынға шыдас берменген мен сияқты бір топ ақынсымақтардың аты-жөндерін өлең шумақтарының тәсілімен тізіп шығыпты. Тізімінің «тұздығы» да тұщымды сайтаның.

«Қожанасыр бір тойдан тойып шықса, қара басып, өзінің атын өзі танымай қалыпты. Бірақ бұл масқаралығын жұртқа білдіргісі келмеген әпенді «уа, жамағат, мен қазір атымды атамын, тез өз аттарыңды алып, тайып тұрындар» деп, доқ көрсетеді-міс. Қожанасырдың мінезінен құлағдар жүрт «мына сойқан атса атып тастар» деп, аттарын дереу аулақа алып кетеді. Сол кезде Қожекен мама ағашта жалғыз қалған атына мініп кете барады. Сол сияқты дейді, - әлгі жағына жылан жұмыртқалағыр редактор, - сендер де аттарыңды тауып алындар депті де, қаптаған аты-жөнді «Нақ-нақтың» әнімен үйқастыра термелеп шығыпты. Бір жағынан киім-кешектері сияқты аты-жөндері де ала-құла болып келетін ақын ағайындарды да «дырау қамшысымен» бір-бір осып өткен бе, немене:

Тобылғының түбінен,
Қазық алдым, сылқ-сылқ!
Бөдененің етінен,
Азық алдым, былқ-былқ!
Екі манақ, нақ-нақ,
Айта бар, қайта бар,
Д. Құдабай, М. Жұмабай,
Ішім-ай! Дертім-ай!
Қаба-Сақал Еркін-ай,
Мырзатегі Ерсін-ай,
Көкітайұлы Берсін-ай,
К. Шоқыбас пен К. Құтыбас,
деген серілерге де сәлем айта бар!

- деп оспақтата жазған. Менің аты-жөнім осы түбің түскір «өлеңсұмақтың» қайырмасындағы «К. Құтыбас» деген болады. Содан бері хат-хабар, газет-журнал дегеннен «қара қағаз» келгендей жаңым түршігетін болған. Мына хат та сау сиырдың жаппасы емес шығар, әйтпесе сүйінші сұрап сәлем жолдайтын екі түп бір қалған кімім бар еді» деп конвертті қорқа-қорқа қолыма алдым.

Хаттың түр-түсі біздікіне ұқсамайды. Мәрлери де, әріптері де шет елдікі. Тек конверттің ішіндегі қағазға өрнектелген маржандай жазулар ғана көзіме жылыұшырап, қобалжыған көңілімді орнына түсірді. Біздің сынныпта бүйтіп тек қана

Сана жазатын. Алпыс екі тамырымды нағашымның «ыстық дәрісі» қуалап өткендей болды. Көзіме жас сияқты бірдене үйірілгендей.

«Тұманды Альбионнан Сәлем!

Сәлематсың ба, Қөркемтай! Хал-жағдай, денсаулығың жақсы ма? Ата-анаң, бауырларың аман-есен бе? Демалысты қалай өткізіп жатырсың?

Өзіме келетін болсам, дін аманмын. Бұл жақтың ауа-райына да, адамдарының мінез-құлқына да бойым бірте-бірте үйреніп келеді. Жақсы ел, көркем қала, тіпті, сен жақсы көретін жазушы Конан Дойль тұрган Бейкер-Стрит көшесінің қызықтары да ғажап; бірақ өзіңнің туған жеріңе ештеңе жетпейді екен.

Есіңде ме, сабактан қайтып келе жатқанда маган ұлын аш-жалаңаш жүртты, ауру-сырқаулар мен қайыршыларды көрсетпей тәрбиелемек бол үлде мен бүлдеге толы сарайынан шығармай ұстаган патша туралы айтып беріп ең ғой. Бірақ ол бала өсе келе әке сарайының аста та төк ас-суы мен жанына жайлы тұрмысын тәрк етіп, ақиқатты іздел жолға шықпауши ма еді. Мен қазір ежелгі үнді елінің Шакья тайпасынан шыққан сол Сиддхартта Гаутма* сияқтымын.

Лондонда оқу үшін жан-жақтан келгендер өте көп. Бәрі ауқатты адамдардың ұл-қыздары. Солардың қызық қуып, қыдырумен жүргенін көргенде сен сияқты дарынды балаларды осында оқытса ғой шіркін, деп армандаймын.

Қайғы-мұңымды айтып көніліңді жабырқатпайын. Хат жазып, елдің жақалығын, ағайынның амандығын айтып тұр. Ауылды ойласам жылагым келеді. Ал хош, көріскеңше күн жақсы болсын.

Сәлеммен, Сана!

7. 07. 2007.
Лондон».

Тікемнен тік тұрган күйі хатты екі қайтара оқып шықтым да, астаң-кестең болған көніл толқынын тыныштандыра алмай шарбақтың іргесіндегі орындыққа сылқ етіп отыра кеттім. Биылғы демалыстың менің ғұмырнамамдағы күрт бұрылыштың біріне айналғанын ол қайдан білсін.

IV.

Нағашымды айтам да, намысшыл ғой, байлар мен бағыландардың көлігінің кір-қоңын жуып тапқан ақшадан ар-оқданының барқадар таппасын білді де тайып тұрды. Айқыз да Сиддхартта Гаутма* – Будда.

тамақ сататын көсібін тастады. Қазір газетке бірге жарияланатын жырлары сияқты редакцияда Нұртуған екеуі бір бөлмеде қатар отырады. Шұғыл хабар-ошардың қамымен компьютердің клавиштерін шықылдатып баса жөнелгенде қайран қаласың, қызығып та кетесің.

- Көркемтай, не болды, тыныштық па?

Көнілімнің қабаржып тұрғанын байқаған нағашым алдындағы бопыраған қағаздан басын көтерді.

- Тыныштық. Бірақ...

- Айтсаңшы енді үздіктірмей?

Неге айтпасқа? Редакцияға да сол үшін келген жоқпын ба? Нағашым тұрмақ құллі жұрт білуге тиіс сұмдық қой бұл? Бар құш-қайратымды жиып, тез-тез айта бастадым. Нұртуған мен Айқыз «бәсе, бәсе, бірденені жүргегіміз сезгендей еді» дегендей, демдерін ішіне тартып, тұнжырап, ойланып қалды. Бөлмеде зілмауыр тыныштық орнаған. Бұл тыныштық жалғыз Жортарғана емес, дүниежүзіндегі барша қиянатқа бағытталған қарсылық акциясы сияқты еді.

- Газетке сұранып тұрған тақырып, кімнің кім екенін жұрт білуі керек!

Мен Айқыздың алдындағы шыны құтыдан пиалаға мұздай су құйып іштім де, келген шаруам осымен бітті дегендей диванға отыра кеттім.

- Несі бар, орынды ұсыныс, - деді нағашым.

- Тоқта, - деді Айқыз, - ойланайық.

Мен шыдамадым:

- Не ойланатыны бар? Ыстыбай атамың жиналысы бар, екі мақаланы қатар беріп, белі үзілген жыландаі қайқандатып тастамаймыз ба, нәллетьті?

- Жә, егер біз Жортардың жағымсыз қылыштарын жарияладап жіберсек, ол біз барғанша Домбыраны тезге салып қояды. Сондықтан алдымен Домбыраны құтқару керек.

Қанша дегенмен өмір көрген ғой, нағашым қауіп айтты.

- Қалай құтқарамыз? Біреуге жасаған жақсылығымыз өзімізге бәле боп жүрмей ме? Оның үстіне барап жер, басар тауы жоқ байғұс сыртынан пішken тонымызға қалай қарап екен?

- Біріншіден, Домбыраның есі дұрыс деген анықтамасы болса, біздің әрекетімізді «заңға қайши» деп ешкім жазғыра алмайды. Екіншіден, мен кеше қарттар үйінің директорынан интервью алдым. Ол жердегі жағдай Жортардың диспансерінен әлдеқайда жақсы. Айтпақшы, Азатты ұмытып барады екенмін ғой. Көркемтай, сен барған бетте Азатты тауып ал да, қасынан бір елі шығарма. Өйткені оны енді жалғыз қалдыруға болмайды.

Айқыз жарады. Ойы мен жоспарын тастай ғып түйіп-түйіп тастады. Нағашым да осы байламға тоқтады.

* * *

Суы сорғалаған шүберектен қолдары босамайтын көлік жуушылардың жасы өр келкі. Көбісі жазғы демалысқа шыққан оқушылар. Жортар үшін олар іздесе таптырмайтын еңбек қолы. «Зейнетакы қорын аш, оған ай сайын ақша аударып тұр» деп те ешқайсысы шалғайына оратылмайды. Ата-аналары да, балалары да, тапқан аз-маз ақшаның буына мәз. Өзі сияқты жын-перілермен ауыз жаласып, кәсіпорынын «өлі нұктеге» айналдырып қойған Жортар салық та төлемейді. Сосын, бұл енді нағашымның уайымы, анау он екіде бір гүлі ашылмаған балалар мен қыздардың болашағы не болмақ? Болашақта әке, ана атанудан үміті бар өрімдегі ұл-қыздар мынау еттен өтіп, сүйекке жеткен сұық судың зардабынан соңыра сан соқпай ма? Өсілі нағашымның

- Шіркін, дүниенің тұтқасы қолымда болса анау байманаптардың көліктеріндегі шаң-тозанды емес, алдымен Жортар сияқтылардың жан-дүниесіндегі кір-қоқысты жиып, тазартар ем, - деп армандайтыны рас екен. Мен болсам жиенсініп «кедейдің күні кіжінүмен өтеді» деп құлуші ем.

Біржола кететін күні ғой деймін, Нұртуған нағашым донғалақтарына қан қатқан Жортардың «Джипін» жумай қырысқыты.

- Неге жумайсың, ол көшедегі бұралқы иттің қаны? - деп ежірейді жүргізушісі.

- Немене, бұралқы иттерді басып-жаншып өте беріндер деп бұйырып пе еді біреу? Бәлкім Домбыра сияқты ақсақ-тоқсақтарды да аямайтын шығарсындар.

- Әй, мынау қалай-қалай сарайды өзі.

- Қай құлағынмен естісөн де айтқаным ақиқат.

- Қап, сені ме, осыдан Жортарға айтып қаңғыртып жібермесем бе.

- Одан да зорына бар. Бұл жерде ешкім құлақ кесті құл емес!

Осы сөзден кейін қүйіп-піскен мосқал жүргізушінің көмейіне құм құйылған...

.....
Бұл қараң өшкір жерден тезірек кетпесе болмас. Домбыра қайда жүр болды екен? Орынтақ байғұс ше? Ойымды ақсақ аяғын сүйрете басқан Домбыра бөлді. Түсі оңған матадай болбоз боп кеткеніне қарағанда бірденеден өлердегі қорықкан.

- Көркемтай, аналардың түрі жаман, мені шынымен есуас қылуға бел буған сияқты...

- Қалай?

- Әлгінде «сап-сая адаммын ғой, қарттар үйіне қашан ауыстырасың» дейінші деп барсам орынбасарымен күбірлесіп отыр екен. Қабылдау бөлмесіндегі сұлуы бір жаққа шығып кет-

кен бе, есіктері шалқасынан ашық. Менің тұрғанымды сезбеген Жортар орынбасарынан:

- Домбыраның шаруасы не болды? - деп сұрады.

- Қанша шара қолдансақ та ой-санасы өлі берілмей жатыр, - дейді анау.

- Енді не істей керек?

- Басынан кірпішпен ұрудан басқа амал қалмаған сияқты...

- Мынауың жақсы ой екен...

Домбыра еңкілдеп жылап жіберді.

- Екеуінің піғылыш үрейімді ұшырғаны сонша, жүргегім аузыма тығылды. Енді маған бұл жерде бір күн де қалуға болмайды.

- Бұларды адам ба десем, нағыз аюан екен ғой. Жә, қорықпа, бір өрекет жасармыз. Мә, насыбай атасың ба?

Жол-жөнекей сатып алған кек бүйра насыбаймен көнілін орнына түсірмек болып тұрғанымда ұялы телефоным «әндетіп» қоя берді. Айқыз екен.

- Әлө, тыңдалап тұрмын?

- Біз құқық қорғау органдарының адамдарымен бірге қазір жетеміз. Домбыра айнып қалмасын, көнілінің құлақ күйін тура-лап қой...

Байланыс үзіліп кетті. Мен Домбыраға қарадым.

- Қалай, аға, Геракльдің он үшінші ерлігін жасаймыз ба?

Насыбайға елтіп тұрған ол:

- Он екі-ақ ерлігі бар емес пе оның? – деді.

- Сіз он үшіншісін жасайсыз. Ол ерліктің атын «Геракльдің жындыханадан қашуы» деп қоямыз.

- Рас па?!

Домбыра қолымды ұстай алды. Көзінен ытқып жас шыққан. Қуаныш жасы. Ләйліден айырылған Мәжнүндегі үнемі мұнға ба-тып жүретін мұндардың сүйіншіне ортақтасу қандай бақыт.

- Сендей баланы туған анадан айналайын! – дейді кемсендеп.

– Басың бар бала екенінді келгенінде-ақ біліп, бір жаманның ар-бауына түсіп қалмаса екен деп тілеуші ем құдайдан. О, Жаратқан ием бар екенсің ғой!..

Көлік жуушыларға қолды-аяққа тұрмай көмектесіп жүрген Азат әне-миңе болғалы тұрған қуанышты сезгендей бізге жалтақ-жалтақ қарап, құліп қояды.

* * *

Айқыздың «құқық қорғау органдарының адамдары» дегені прокуратура, полиция және адвокатураның қызметкерлері екен. Жортар жұмысында болмағандықтан олар тиісті құжаттарын орынбасарға көрсетті де Домбыра мен Азатты мәшинеге мінгізді. Истің насырға шапқанын сезген орынбасар шу шығарған. Оның қоқан-лоққысына едіреіп шыға келген қарауылдар жолды бөгөгісі келген. Бірақ:

- Жортармен бірге жауапқа тартылайын демесендер қақпаны ашындар, - деген «коқалы жағалылардың» сұсты жүздерінен тайсақтап, жолды босатты. Орынтақ болса медбикелер мен күтушілерді мазақтап анандай жерде ыржиып тұр.

Жындыхананың ауласы көзден тасаланып, мәшине қалаға апаратын үлкен жолға тұскен соң Домбыра бәледен құтылғаным рас па дегендегі еркін тыныстады. Оқиғаның анық-қанығына көзі жете бастаған прокуратура қызметкері:

- Ойпрай, мұндай қатыгездік те болады екен-ау, - дейді шошынып.

- Жүргегінде өзінен басқа орын қалмаған мансапқорлар, әдетте, осында болып келеді, - дейді нағашым.

- Орынтақты қимаймын, - деді осы кезде Азат.

Айқыз үнсіз. Бұл үнсіздік түбіне сан алуан сырды бүккен мұхитттай тым тұғғыық.

- Аға, - деді ол бір уақытта Домбыраға жүзін бұрып, - егер Жортар жаздым-жаңылдым деп келсе кешіресіз бе?

Кешірім мәселесі менің миыма кірмеген дүние екен. Шынында қайту керек? Бұл өзі кешіруге жататын нәрсе ме? Бірақ неге болмасын? Өлемде бұдан да зор қылмыс жасағандарға кешірім жасалып жатпай ма?! Тосын сауалға Домбыра да қиналды білем:

- Қайдам қарағым, уақыт шіркінді «емші» дейді ғой білетіндер. Өкініштің орны толып жатса, өкпелей бергеннен не үтам? – деді.

- Мұныңыз ақыл, аға...

Айқыз маналы бері өзін мазалаған сауалдың жауабын естіп, көнілі жайланғандай Азатты мойнынан құшақтап, өзіне қарай тартты да, шашынан иіскеді. Не деген мейірім десенші! Жалпы, Айқыз анау ғажайып хиссаларын Азатқа емес, маған арнап айтқан сияқты. Өбу Ханифа Имам Ағзамның әп-әдемі басталатын өмірінің соңы қасіретпен біткенде көдімгідей мұңайып қалғанмын. Шын аты Нұғыман ибн Сәбит екен. Парсыдан шыққан сол парасат иесіне шаһар биеушілері қазылық қызмет ұсынады. Бірақ төрден төрелік айтып, біреуді айыптаға жаны қас Өбу Ханифа «мен ол қызметке лайық емеспін» деуден танбайды. Өмірі орындалмағанына ашуланған озбыр халифа оны зынданға тастатқызып, қашан келісімін бергенше күн сайын он рет дүре соғындар деп бүйрек береді. Бірақ өз дегенінен қайтпаған Өбу Ханифа зынданда жатып қайтыс болады. Оның орнында мен қайткен болар ем? Байлық пен мансапқа бір бүйрек бұрып тұратын желекпе емеспін бе, тәкәппарсып төрелік айтуға кегенде алдымға жан салмайтын шығармын жүдә...

Алдын-ала кесіп-пішіп қойған соң Домбыраны қарттар үйіне, Азатты балалар үйіне орналастыру мәселесіне онша қинала қойған жоқпыз. Істің жылдам бітуіне, әлбетте, құқық қорғаушылардың да ықпалы өсер етті. Олар енді Домбыраның арызы бойынша Жортардың үстінен қылмыстық іс қозғамақ. Нұртуған мен Айқыз редакцияға тартты. Маған олардың мақалаға «Жындыханадан қашу» деген ат қоямыз деген батылдықтары ұнады. Одан кейін... нағашым қолыма Айқыз екеуі бастарын түйістіріп түскен «Тойға шақыру» деген қатырма қағазды ұстатқан кезде «рас па, өтірік пе» дегендей абдырап тұрып қалыптын. Айқызға қарап ем ол: «рас» дегендей, басын изеп, күлді. Той тамызда болады екен.

Сонда мен не іstemекпін енді? Алдымен Санага хат жазайын. Ештеңені бүгіп қалмау керек. «Адамның мінезін түзеуге болмайды деген кісінің тілін кесер ем» деп Абай атамыз айтқандай, Сана екеуміз екі жақтап қолға алсақ, Жортар көкемнің мінезін де жібектей ғып шығарармыз әлі.

Ал екі қолға бір жұмыс табылар. Алда бір ай демалыс бар. Іргемізде қала тұр. Оның үстіне ауылымыздың кент деген аты бар. Бәлкім жаңадан ашылған сауда орталығының барып кел, алып келіне жарап қалармын. Кенттің балаларының бәрі сонда. Тұтынушылардың алған заттарын арбамен көліктеріне жеткізіп бергені үшін кәдімгідей табыс табады. Алды алғашқы табысына велосипед сатып алып жатыр. Болмаса әкемнің пи-язы бар емес пе? О-о, ол дегеніңнің жұмысы ауыр болғанымен арық-атыздағы суға шомылып, балық аулағанға жүдә жақсы. Орликтің балалары да ойынның неше атасын біледі. Бұл ұсынысқа Тінәлінің де бәркі қазандай болып қалары анық. «Болар елдің баласы он бесінде баспын дер, болмайтын елдің баласы отызында жаспын дер» деп Үстілбай атам айтпақшы, бәйтеректей биік еліңнің бір бұтағына айналып, жапырақ жайып, ақ адалынан нан жегенге жетсін.